

# INATSISARTUT

ukiumoortumik  
nalunaarutaat 2011



Saqqaani asseq:  
Ataatsimiittarfimmut matu nutaaq igalaartalik.

Inatsisartut Allattoqarfiannit saqqummersinneqartoq  
August 2012

Assit tamarmik: Inatsisartut Allattoqarfiat

Inatsisartut Allattoqarfiat · Postboks 1060 · 3900 Nuuk  
inatsisartut@inatsisartut.gl · www.inatsisartut.gl

# Imai

## INATSISARTUT

<b>1</b>	Inatsisartut Siulittaasuata aallaqqaasiutaa .....	5
<b>2</b>	Inatsisartut Siulittaasuata Siulittaasoqarfillu .....	7
<b>3</b>	Siulittaasup ingerlatai .....	9
<b>4</b>	Siulittaasoqarfiup ingerlatai .....	15
<b>5</b>	Immikkut pisut .....	19
<b>6</b>	Inatsisartut katitigaanerata .....	25
<b>7</b>	Nersornaat .....	29
<b>8</b>	Inatsisartut Ombudsmandiat .....	33

## KATERSUUNNERIT

<b>9</b>	Ataatsimiinnernut takussutissiaq .....	35
<b>10</b>	Akunneq Naalakkersuisunut apeqquteqarfik .....	37
<b>11</b>	§ 37 naapertorlugu apeqqutit .....	39

## ATAATSIMIITITALIAT

<b>12</b>	Ataatsimiititaliat sulinerannut takussutissiaq .....	41
<b>13</b>	Ataatsimiititaliani ingerlatat .....	45
<b>14</b>	Nunat Avannarliit Killiit aamma Nunat Avannarliit Siunnersuisoqatigiiffianni ingerlatat .....	57

## INATSISARTUT ALLATTOQARFIAT

<b>15</b>	Allattoqarfik .....	63
<b>16</b>	Aningaasaqarneq .....	67



# 1 Inatsisartut Siulittaasuata aallaqqaasiutaa

Ukioq 2011-imut ukiumoortumik nalunaarut manna qinersiviup matuma ingerlanerani kingulliup tullerissagunarpaa. Ataatsimut isigalugu Inatsisartutuulli, ukiumoortumik nalunaarut ukiut pingasut kingulliit saqqummersinneqartarnermini malunnartumik ineriartortinneqarsimavoq. Taamaalilluni ukiumoortumik nalunaarutip atuisunut atuaruminarsarlugulu aamma pissarsiarinissaata ajornannginnerulernissaa anguniarneqarsimalluni.

Ukioq 2010 suleriaaseq eqqarsaatigalugu soorlutaaq aamma sutigut tamatigut Inatsisartuni avatangiisinik pitsanngorsaaneramik suliaqarfiusimavoq, ukioq 2011 tassaasimavoq nunatta nunarsuup sinneranit soqutigineqaleraluttuinnarnerata Inatsisartunuttaaq aamma annguffia, avataaniit pisortatigoortumik tikeraartigineqartartut malunnaatilimik amerleriarlutik. Nunat Avannarliit Siunnersuisoqatigiiffianit qinikkat siulittaasualu, ministerit, aallartitat, Islandip præsidentia kiisalu Ataqqinartorsuaq Dronning Margrethe Appaat.


Tamatumani aammattaaq Inatsisartuni suleriaaseq malunnaatilimmik allannguuteqarpoq. Siulittaasoqarfik Newfoundlandimut/Labradorimut pisortatigoortumik tikeraarnermi nalaani isumasioqatigiinnermini aalajangerpoq ataatsimiititaliat 17-iniit qulinut ikilisinneqarnissaat Inatsisartunut inassuteqaatigineqassasoq. Aalajangiineq tamanna Inatsisartunit taparserneqarpoq, tamatumalu naggataatigut inernerallugu ataatsimiititaliat aqqanilinngortinneqarnerat siulittaasoqarfiup quliinnanngortinneqarnissaat kissaatigigaluaraa.

Inatsisartunili sulinermi killiliussanik pappialanngorlugu allannguneq allaavoq, soorlutaaq Inatsisartut Suleriaasisaannik pingaarutilimmik allanngunerit aammattaaq inatsisartunut ilaasortat Inatsisartut ataatsimiittarfianni oqallit-tarnerannut tamanullu ammasumik oqallinnerni tamanna malunnaatilimmik sunniuteqarumaassanersoq apeqqutaaju-maartoq?

Inatsisartut ataatsimiittarfianni oqallinnerit isiginnaarutikkut radiukkullu toqqaannartumik aallakaatinneqartarneri inuttasut malinnaanerulernissaannut periarfissiivoq. Taamaalilluni inersuarmi oqallinnerit toqqaannartumik aalla-kaatinneqarneri Inatsisartunut aammattaaq oqallittarnikkut unammillernartuuvoq, tassami oqallinnerit inersuarmi piinnarnatik aammali angerlarsimaffinni toqqaannartumik malinnaavigineqarsinnaalermata.

Naalackersuineramik suliaqarneq ilaatigut tassaasarpog oqallinnernut uummaarissumik akuliusimaneq ataatsimoor-lunilu ajornartorsiutinik aaqqiiniaqatigiinneq. Neriutigilluinnarpara, uagut Inatsisartuni pissaaneramik ersersitsinn-gitsumik, kisiannili tamanut iluaqutaasusaaq anguniarlugu inatsisiliortutut naalackersuinikkut ingerlatseriaaseqale-rumaartugut, qinigaaneq inuttut ataasiakkaatut iluaqtissarsiviginiaannarnagu. Oqaaserineqartut akerlerluinnaanik – piaaraluni piaarinaniluunniit oqarluartaarniarneq torrallaanerunngilaq. Inatsisiliortutut torrallaalluarnerpaajussaaq, allat oqaaserisaannut, nammineq oqaaserisaniit allaanerusumik oqariartuutigineqartunut tusarnaarsinnaagaanni. Nu-nap inatsisiliortui tassaasarpog – soorlu taaguutaata tamanna ersersikkaa – qulequttanik isumatusaartumik eqqarsar-luni isumaqatiginninniutigisassanik aaqqiiniartussat.

Atuarluarina.



Josef Motzfeldt  
Inatsisartut Siulittaasuat  
August 2012



*Inatsisartut Siulittaasoqarfiat: Finn Karlsen, Justus Hansen, Josef Motzfeldt, Olga P. Berthelsen aamma Per Berthelsen.*

## 2 Inatsisartut siulittaasuat siulittaasoqarfillu

Inatsisartut ukiuat aallartikkaangat Inatsisartut siulittaasuannik siulittaasullu tulliiq sisamanik Inatsisartut Siulit-taasoqarfiannut ilaasortassanik Inatsisartut qinersisarput.

Inatsisartut avataanni iluminnilu Inatsisartut Siulittaasoqarfiat sinniisuuvoq, Inatsisartullu inatsimiinneri suleriaatsillu ataatsimut isigalugu pilersaarusiortarlugit aaqqissuuttarlugillu.

### 2011-mi Siulittaasoqarfimmi ilaasortat:

Inatsisartut Siulittaasuat Josef Motzfeldt (Inuit Ataqatigiit)

Siulittaasup tullia siulleq Per Berthelsen (Siumut)

Siulittaasup tullia Olga P. Berthelsen (Inuit Ataqatigiit)

Siulittaasup tullia Finn Karlsen (Siumut)

Siulittaasup tullia Justus Hansen (Demokraatit)





*Inatsisartut Siulittaasuata Josef Motzfeldtip Naalakkersuisut Siulittaasuut peqatigalugu Ataaqinartorsuaq Dronning Kalaallit Nunaanni angalaneranut atatillugu Hans Egedep Illuani ilasseqatigaat.*



# 3 Siulittaasup ingerlatai

## Siulittaasumit ukiup affakkaartumik nutaarsiassat

Inatsisartut siulittaasuat ukiup affakkaartumik nutaarsiassanik saqqummersitsisarpoq, taakkulu ukiumoortumik nalunaarummut tapiliullugit atuarluarneqarsinnaapput.

Siulittaasumit nutaarsiassat uani atuarsinnaavatit [▶ inatsisartut.gl/siulittaasoq](https://inatsisartut.gl/siulittaasoq)

## Nunat Avannaamioqatigiit Nuummi Isumasioqatigiinnerata ammarneriornera

Nunat Avannaamioqatigiit Nuummi februarip 10-ani isumasioqatigiinnerat Inatsisartut siulittaasuata ammarpa. Isumasioqatigiinneq Katuami ingerlanneqarpoq, tassani nunat avannaamioqatigiit suleqatigiinnerat qulequtarineqarluni, nunat avannaamioqatigiit kitaamiut issittormiullu suleqatigiinnerulernissaat qitiutillugu.

Isumasioqatigiinnermi nunat avannaamioqatigiit suleqatigiiffiisa pioreersut misilittagaat taakkualu qanoq nukittorsaavigineqarsinnaaneri sammeneqarput, soorluttaaq aamma Nunat Issittormiut Siunnersuisoqatigiivisa ataatsimiinnissaat, Nuummi majimi ingerlanneqartussa, aamma sammeneqartoq. Isumasioqatigiinneq aammattaaq aningaasaliinertaqanngitsumik Issittup Imartaanik nakkutilliinissap imaluunniit aningaasaliinertaqanngitsumik upalungaarsimanermut akisussaaffeqarneq imaluunniit umiarsuarnik ingerlaartunik aningaasaliinertaqanngitsumik nakkutilliineq, qanorluunniit suleqatigiinnerup nukittorsaaviginissaanut siunertat pitsaatigaluarpata siunertarisamut iluaqutissarsissutaanaavianginnera pillugu inerniliinernik aamma imaqqarpoq. Sammineqartut tamakku aamma Nuummi Nunat Issittormiut Siunnersuisoqatigiivisa ataatsimiinneranni oqallisigineqarnissaat naatsorsuutigineqarpoq.

## Nunat Avannarliit Siunnersuisoqatigiiffianni Præsidentip norskillu inatsisartuinut Stortingimut ilaasortap tikeraarnerat



Inatsisartut Siulittaasuat Nunat Avannarliit Siunnersuisoqatigiivini præsidentimit Henrik Dam Kristensenimit aamma norskit Inatsisartuisa Nunat Avannarliit Siunnersuisoqatigiivini aallartitaasa siulittaasuannit Bendiks H. Arnesenimit tikeraarteqarpoq, Nunat Avannarliit Siunnersuisoqatigiivisa Nuummi isumasioqatigiisitsineranni nuummiittunit. Inatsisartut Siulittaasuat isumasioqatigiinnerup ammaanersiorneqarnerani oqalugiaateqarnissaminut qaaqquneqarsimavoq.

## Inatsisartunut ilaasortat Tromsømi ataatsimeersuarnerat

Inatsisartut Siulittaasuat Norgemi Tromsømi februarip 22-ani aamma 23-ani inatsisartut ataatsimeersuarnerannut peqataavoq. Ataatsimeersuarneq tamanna aappassaa ingerlanneqarpoq, aallaaviuvorlu nunat avannarliit suleqatigiinnerat Finlandip Nunat Avannarliit Siunnersuisoqatigiivini siulittaasuunerani aallartinneqartoq. Ruslandi aamma suleqatigiinnermut peqataavoq. Inatsisartut Siulittaasuat nunat issittormiut peqqinnissakkut suleqatigiinnissaannut isumaqatigiissuteqarneq pillugu oqalugiaateqarpoq, nunat issittormiut peqqissutsimut naalakkersuisuisa akornanni Nuummi februarip 16-ani isumasioqatigiinneranni ingerlanneqaqqammersumi isumaqatigiissusiarineqartoq.

## Illersornissamut ministerip Gitte Lillelund Beckip Nuummut tikeraarnera



Inatsisartut Siulittaasuat Illersornissamut ministerimit Gitte Lillelund Beckimit taassuma Kalaallit Nunaannut tikeraarneranut atatillugu majip 16-ani pulaarneqarpoq, tassani Arktisk Kommandop inissinneqarfigisinnaasaatut periarfissat suuneri illersornissamut ministerip paasisaqarfigai. Inatsisartut Siulittaasuata naapeqatiginissaa Illersornissamut ministerip kissaatigisimavaa, Arktisk Kommandop allamut inissinneqarnissaa pillugu politikikkukut tamatumani qanoq isummersortoqarnerisooq paasisaqarfigerusullugu.

Inatsisartut Siulittaasuata Nunanut allanut Tunngasunut Naalakkersuisuugallaramili, Kalaallit Nunaanni Issittumi Illersornissamut Upalungaarsimaffiup Kalaallit Nunaannut nuunneqarsinnaanerani eqqarsaasersuutigineqartut sionatigut Illersornissamut ministeriusimasumut eqqartortareersimavai.

## Greenland Contractorsip (GC) Pituffimmiittup ukiunik 25-nngortorsiornerani peqataaneq

Inatsisartut Siulittaasuat Greenland Contractorsip (GC) Pituffimmiittup ukiunik 25-nngortorsiorneranut atatillugu nalliuttorsiornermut qaaqqusatut peqataavoq. Angalaneq tamanna GC-p aqqissuussaraa ullunilu junip 9-aniit 13-ata tungaanut ingerlanneqarluni.

Nalliuttorsiornerup ingerlanerani qaaqqusanut ilisimatitsiviusumik assigiinngitsutigut ataatsimiisitsisoqarpoq, Naalakkersuisunit aamma peqataaffigineqartunik, Pituffik pillugu suliat nalinginnaasumik kiisalu GC-p Pituffimmi suliai pillugit, tassunga ilanngullugit GC-p siunissaa pillugu periarfissaasinnaasut aammalu Kalaallit Nunaata qanoq siunissami isertitaqarnerulersinnaanerata qulakkeerneqarsinnaanera. GC-imut



isumaqatigiissut 2015-imi isumaqatigiinniutigeqqinneqassaaq, taamaamat Pituffimmi ingerlatami, ilinniartunik tigusinissamut aammalu nunatta karsiata isertitaqarsinnaaneranut pitsaasumik periarfissiisut paasisutissiisutiginissaat GS-ip pingaartippaa.

Tikeraarnermi GC-ip suliffeqarfiutaanut takornariarnissamut, katersugaasivimmut pulaarnissamut, Dundasimi Peter Freuchenip Illuani siornatigut niuertorutsip angerlarsimaffigisimasaani saqqummersitsinermut alakkaanissamut periarfissaqarsimavoq. Tassani Knud Rasmussen pillugu assinik kiisalu Dorit Olsenip qalipagaanik Café Coolimi saqqummersitsisoqarpoq.

Inatsisartut aamma Naalakkersuisut GC-mut pisortatigoortumik aningaasanik ilinniartut angalanissaannut imaluunniit Pituffimmi najugaqartunut sammisassat arlaannut atorneqarsinnaasunik tunissuteqarput.

## Folketingimit aallartitat pulaarnerat

Folketingi, Rigsombudi suleqatigalugu aqqissuunneqartumik ukiut tamaasa Kalaallit Nunaannut paasisassarsiorluni angalasunik aallartitsisarpoq. Aallartitat sinerissami illoqarfinnut arlalinnut tikeraarput, kiisalu Nuummiinnerminni Inatsisartunut pulaarlutik. Aammattaaq Inatsisartunut ilaasortat aallartitanik Hans Egedep Illuani nereqateqarsinnaasimaapput.

## Nunani avannarlerni killerni naalakkersuisut siulittaasuisa Savalimmiuni ataatsimiinnerat

Nunani avannarlerni killerni naalakkersuisunut siulittaasut Savalimmiuniit, Islandimiit kiisalu Kalaallit Nunaanniit ukiumut ataasiarlutik naapeqatigiittarput. Inatsisartuni sulineq pillugu siulittaasut ilisimateqatigiipput, inatsisartoqarnermi pissutsit pillugit misilittakkanik paarlaasseqatigiilluti aammalu inatsisartutigoortumik sulinermi iliuusaajunnartut nutaat oqaluuseralugit. 2011-mi ataatsimiinneq ulloq 28. juni Savalimmiuni ingerlanneqarpoq. Ataatsimiittarnerit nunat akornanni kittaartumik pisarput, ataatsimiinnissallu tullia Islandimi ulloq 26. juni 2012-imi ingerlanneqassalluni.





## Dronningip 2011-imi Kalaallit Nunaannut tikeraarnera

Ataqqinartorsuup Dronningip Kalaallit Nunaannut tikeraarneranut atatillugu Inatsisartut Siulittaasuata kiisalu Naalakkersuisut siulittaasuata Kuupik Kleistip, kunngikkormiut tikeraat Hans Egedep Illuani 17. juli ilassivaat. Naalakkersuisut siulittaasuata pisarneq malillugu Ataqqinartorsuaq Dronningi nunap qanoq innera pillugu ilisimatitsissuteqarfigaa, tamatumalu kingorna Inatsisartut Siulittaasuata Inatsisartuni naalakkersuinikkut suliat killiffiat pillugu Dronning ilisimatippaa.

Ilisimatitsiffiusumik ataatsimiinneq akunnerup affaa tikillugu sivisussuseqarpoq, tamatumalu kingorna Sermersuup Kommuneata ataatsimiittarfiani Josef Motzfeldtip Nationalgallerip siulersuisuisa siulittaasuattut Nationalgallerimut atuutilertussamut illussamik titartaanermi unammisitsinermik suliniut pillugu Ataqqinartorsuaq Dronningi ilisimatitsissuteqarfigaa.

## Islandip Præsidentianit tikeraarneqarneq

Islandip Præsidentia dr. Olafur Ragnar Grimsson, nunat assigiinngitsut akornanni ataatsimeersuarnermut Polar Law Symposiumimik taaneqartumut, Akureyrimi Islandimiittumi Universitetip aamma Nuummi Ilisimatusarfiup suleqatigiinnerisigut aqqissuunneqartumut peqataanerminut atatillugu ulluni 7.-9. september Nuummut tikeraarpoq.

Inatsisartut Siulittaasuata Islandip Præsidentia Nuummiinnerani Hans Egedep Illuani naapeqatigaa, tamatumani pitsutsillu Islandip aamma Kalaallit Nunaata ataatsimoortumik soqutigisaasa oqallisiginissaannut periarfissinneqarput.

Nunat akunnerminni attaveqatigiinnerisa nalinnaasut saniatigut Islandip aamma Kalaallit Nunaata suleqatigiinnerisa iluanni ilisimatuussutsikkut qaninnerusumik ataqatigiittoqalernissaa peqataasunit immikkut ittumik pingaartinneqarpoq. Nunat ataatsimoorlutik issittumi ilisimasaniq misissuinermit nunarsuup sinneranut, pingaartumik sumiiffinnut allanut nalinnaasumik suleqatigisimanngisatsinnut, tapertaqataanissaat pisariaqartinneqarpoq. Soorluttaaq Namminersornerup atuutilersinneqarneranut peqatigitillugu Kalaallit Nunaata piorsarsimassutsikkut inuiaqatigiit nutaali-aasumik ilusilersugaanikkut ineriartornerannut kiisalu minnerunngitsumik silap pissusaata allanngoriartorneranut ilisimasaniq misilittakkaminillu immikkut ittunik nunarsuup sinneranut tapeeqataanissaa peqataasunit pissusissamisoortutut isigineqartoq.



Kalaallit Nunaata aamma Islandip suleqatigiinnerisa ineriartortinnissaanut annertuunik periarfissaqartoq Inatsisartut Siulittaasuata Josef Motzfeldt aamma Islandip Præsidentia dr. Olafur Ragnar Grimsson isumaqarput, suleqatigiinnerillu atuuttut kiisalu suleqatigiinnissamut periarfissat nutaat suli tapersorumallugit. Oqallinnerit tamatumunnga tunngassutillit siunissami qanittumi Islandimi nanginneqassasut isumaqatigiissutigineqarpoq.



## Luxemborgip aallartitaanit tikeraarneqarneq



Luxemborgip aallartitaa Pierre Louis Lorenz, ulluni 18.-21. oktober Nuummumut tikeraarpoq, Luxemborgillu Nuummi konsulia inatsisileritooq Jens Paulsen peqatigalugu Inatsisartut Siulittaasuata naapillugu. Ataatsimiinnerup nalaani Kalaallit Nunaata aamma Luxemborgip EU-mut ilaasortaasup akornanni attaveqatigiinneq oqallisigineqarpoq. Aammattaq aallartitaq tamatumunnga peqatigitillugu Inersuarmi oqallinnermut malinnaanissaminut periarfissinneqarpoq.

EU-p aamma Kalaallit Nunaata akornanni isumaqatigiissutit, pingaartumik ilinniartitaanermik suliassa qarfiup iluani, ajornaatsumik iliuuseqarfingeqarsinnaanersut annertuumik soqutigigini aallartitap ersersippaa. EU-mi ilinniagaqarnissamut periarfissat ilinniartunit pitsaaner-

paamik ator neqarnersut imaluunniit EU-mik isumaqatigiissutit allaffisorpallaarani ajornaannerusumik ator neqarsinnaanera periarfissaqarnersuq taassuma pingaartumik eqqumaffigaa. Ilinniartitaanermik suliassa qarfik EU-p aamma Kalaallit Nunaata isumaqatigiissutaanni annertuumik ilaatinneqarpoq.

Aammattaq EU-p Kalaallit Nunaannut soqutiginninnerminik annertusiartuinnartumik takutitsinera Inatsisartut Siulittaasuata aallartitamut ilisimatitsissutigaa, soorluttaq EU-p parlamentianeersut ataatsimeeqatiginerannit ersersinneqartoq EU-p parlamentianeersut nunatsinni pissutsinik ilisimasaqarnerulernissaat qulakkeerniarlugu EU-p parlamentiaata nunatsinnilu inatsisartut qaninnerusumik attaveqatigiilernissaat assut kissaatiginartoq.

Siulittaasoqarfiuttaaq Kalaallit Nunaata nunallu avataaniittut akornanni attaveqaatinik nutaanik pilersitsiniarluni nunat allat inatsisartuinut paasisassarsiorluni angalasarnera Siulittaasup aallartitamut ilisimatitsissutigaa. Suliniutit tamakku siulittaasoqarfiup nangillugit suliarissavai, aallartitallu siulittaasoqarfiup Luxemborgimut tikeraarnissaanut tikilluaqqullugit ilasseqatigai.



*Inatsisartut Siulittaasoqarfiat New Foundlandimi Labradorimut majip qaammataani pisortatigoortumik tikeraartoq.*



## 4 Siulittaasoqarfiup ingerlatai

### Siulittaasoqarfimmi ataatsimiinnerit

Siulittaasoqarfik	Ataatsimiinnerit	Immikkut ingerlatat
2010	42	2
2011	38	3

Inatsisartut ataatsimiinnissaat sioqqullugu Siulittaasoqarfik suliaqarnerusarpoq, tassani Inatsisartut ataatsimiinnissaannik piareersaalluni ingerlanneqarnissaalu aqqissuullugu ataatsimiittoqartarluni. Ataatsimiinnerup nalaani ullut ataatsimiiffissat ataasiakkaat sioqqullugit Siulittaasoqarfik aamma ataatsimiittarpoq. Inatsisartut ataatsimiinnerisa avataanni Siulittaasoqarfik pisariaqartitsineq malillugu immikkullu pisoqarfiusunut peqataanissat pillugit ataatsimiittarpoq.

### Ilaasortat ataatsimiititaliani ataatsimiinnernik aqutsinermik pikkorissartinneqarnerat

2009-mi Inatsisartut nutaamik qinikkat aallaavigalugit Siulittaasoqarfiup aalajangerpaa Inatsisartunut ilaasortat periarfissinneqartassasut pikkorissartarnissaminnut Inatsisartuni sulinermik ilaasortat annerusumik paasisaqarnerunissaannik kissaateqarneq tunngavigalugu pilersaarusioneqartunik. 2010-mi oqallorissarnermik pikkorissartitsisoqarpoq 2011-milu upernaakkut ataatsimiinneq iluatsillugu ulluni 4. – 5. marts ataatsimiinnernik aqutsinermik pikkorissartitsisoqarpoq.

### Kunngissakkut marluliaasa kuisinneranni tunissut

Siulittaasoqarfik kunngissakkut marluliaasa ulloq 14. april kuisinnerannut atatillugu kunngissakkunnut pilluaqqussuteqarpoq. Kuisitsinernut atatillugu marlulissat tamarmik immikkut puisit amiinik atallaalianik tunissuteqarfigineqarput.

### Newfoundland Labradorimi isumasioqatigiinneq

Siulittaasoqarfik St. John'simiinnermini isumasioqatigiippoq, tassani ataatsimiititaliat arlallit kattunneqarsinnaanerannut periarfissat kiisalu Inatsisartunut ilaasortaannermik saniatigut aningaasaqarnikkut inuussutissarsiornikkullu soqutigisarinnasaminnik nammeneq piumassuseq naapertorlugu Inatsisartunut ilaasortat paasisutissiisinaaneranik aqqissuussinermik nutaamik atuutilersitsisinnaaneq oqallisigaluit.



## Newfoundland Labradorimut pisortatigoortumik tikeraarneq

Siulittaasoqarfik ulluni 7. - 14. maj pisortatigoortumik Newfoundland Labradorimi St. John'simut tikeraarpoq. Siulittaasoqarfik inatsisartunut pulaarpoq, tassanilu Newfoundlandimi inatsisartoqarnikkut aqqissuussaaneq pillugu sukumiisumik ilisimatinneqarluni inatsisartullu siulittaasuannik Hon. Roger Fitzgeraldimik ataatsimeeqateqarluni inatsisartunilu naalakkersuisumik apersuineramik malinnaalluni. Taamatuttaaq Siulittaasoqarfiup Ministeriuneq Ms Kathy Dunderdale ministerillu allat naapeqatigai imavinnilu pissutsinut ilisimatusarfimmut aamma pulaarluni.

## Namineq piumassutsimik aningaasatigut soqutigisanik paasissutissiisarneq

Inatsisartunut ilaasortaaneq saniatigut aningaasatigut inuussutissarsiornikkullu soqutigisaminnik namineq piumassutsimik paasissutissiisarnermik aqqissuussinerup nutaap atuutilernissaa siulittaasoqarfiup 1. juni aalajangerpaa. Pissutsit tamakku paasissutissiisutiginissaat kissaatigiguniku paasissutissanik nassiussinissamut ilaasortat qaammammik ataatsimik periarfissinneqarput. Tamatuma kingorna paasissutissat taakku inatsisartut nittartagaanni inatsisartut.gl/katitigaanerat-ni takuneqarsinnaalerput, ingerlaavartumik nutarterneqartarlutik ilaasortat paasissutissanik nutaanik nassiussaqaaraangata.

Innuttaasut qinigaannut tunngatillugu sulinerup sapinngisamik ersarissuunissaa Siulittaasoqarfiup pingaartippaa.

Suliniut tamanna nutaap tusagassiorfinit assut soqutigineqarsimavoq, soorlu aamma arlalinnit uparuarneqarsimasoq aqqissuussineq naammannersoq imaluunniit ilaasortat aningaasatigut soqutigisaat naammattumik saqqummiunneqarsimanersut. Siulittaasoqarfik soorunami malinnaavoq takusinnaallugulu ilaasortat affarluinnaat namineq piumassutsiminnik paasissutissanik kissaatigineqartunik paasissutissiisimasut. Aqqissuussineq namineq piumassutsimik tunngaveqarmat pinngitsooranilu paasissutissiisoqartalissappat inatsisiliornissaq pisariaqarmat 2011-mi ukiup affaani siullermi aqqissuussinerup piusimanagera tunngavigalugu siulittaasoqarfiup inerniliuppa aqqissuussineq ilaasortanit kissaatigineqartut tapersorsorneqartoq.

## Ataatsimiititalianik kattussuineq

Siulittaasoqarfiup 1. juni aalajangerpaa ataatsimiititaliat arlallit kattunneqarnissaat Inatsisartunut inassutiginiarlugu.

Ataatsimiititaliaqarnikkut nutaamik aqqissuussinnermut atatillugu Inatsisartut Suleriaasiat tamatumunnga atatillugu naleqqussarneqartariaqarsimavoq. Suleriaatsimi allannguut annerpaaq tassaavoq Inatsisartut Siulittaasoqarfiup inassuteqarneratigut ataatsimiititalianut ilaasortassanik arfineq-marlunnik qinersisinnaalermata immikkut pissutsit tamanna pisariaqartippassuk.

Ataatsimiititaliaqarnikkut aqqissuussaanerup allanngortinneqarnissaanik inassuteqaatit akuersissutigineqarnerisigut ukiakkut ataatsimiinnerup aallartinnerani ataatsimiititaliat 17-iniit aqqanilinnut ikilineqarput. Tamanna pillugu paasissutissat sukumiinerusut kapitali 12-imi takuneqarsinnaapput.

## Folketingip siulittaasoqarfianik nutaamik Fåborgimi attaveqaatitut ataatsimiititaliami ataatsimeeqateqarneq

Attaveqaatitut ataatsimiititaliap aggustip naalernerani ataatsimiinnissaanut Siulittaasoqarfik Danmarkimi Folketingip siulittaasoqarfianit qaaqquneqarsimavoq, ataatsimiinnissaq Ærømi pisussatut pilersaarutigineqarluni. Taamaattorli ataatsimiinnissaq taamaatiinnarneqarpoq Folketingimut nutaamik qinersisoqarnissaata nalunaarutigineqarnera pis-sutigalugu.

Taarsiullugu Folketingip siulittaasoqarfittaava qinigaarlaaq ppeqatigalugu attaveqaatitut ataatsimiititaliami ataatsimiinneq Siulittaasoqarfiup 4. - 6. december ingerlappaa, ataatsimiinnerlu pilersaarutigineqartutut Fynip kujataani qeqertani ingerlanneqarpoq. Ilaatigut Marstal Søfartsmuseum pulaarneqarpoq. Taamatuttaaq atuakkiortoq Carsten Jensen Ærøp imarsiornikkut oqaluttuassartaanik ilisimatusarsimanera, atuakkiaanullu "Vi - de druknede"-mut aallaaviusimavoq pillugu oqalugiartinneqarpoq.

Attaveqaatitut ataatsimiititaliaq tullianik nunatta kujataani 2012-mi ataatsimiissaaq.

## Aningaasarsiaqartitsineq pillugu inatsisip nutarterneqarnera

Inatsisartuni sulineq pillugu inatsisit allat nutarterneqarnerannut ilanngullugu aningaasarsiaqartitsineq pillugu inatsit 2010-mi ukiakkut ataatsimiinnermi siullermeerneqarpoq.

Aningaasarsiaqartitsineq pillugu inatsit 2011-mi upernaakkut ataatsimiinnermi naammassillugu suliarineqarlunilu akuersissutigineqarpoq, ilaatigullu inatsisikkut Inatsisartut Naalakkersuisullu Siulittaasuusa kiisalu Naalakkersuisunut ilaasortat ineqarnermut akiliuteqartarnerannut tunngaviusut allanngortinneqarlutik.

Siulittaasut akileraarusersugaanerisigut imaluunniit Naalakkersuisunut ilaasortat sulisunut inissiani najugaqartitaaner-at pillugu nalinginnaasunik isumaqatigiinniarnikkut ineqarnermut akiliutit ukiuni arlalissuarni iluarsissuteqarfigine-qarsimangillat. Taakku inatsisikkut nutaakkut iluarsineqarput.

Aningaasarsiaqartitsineq pillugu inatsisikkut nutaakkut taamatuttaaq siunissami inatsisartunut ilaasortaasartussat periarfissaqalerput qanigisat napparsimarulunnerinut toqunerinullu atatillugu Inatsisartut sulinerannit peqanngissinnaanerminnut, soorluttaaq naartunermi, erninermi meeravissiartaarnermilu aamma sulinggifteqartoqarsinnaalersoq. Taakku aamma Naalakkersuisunut ilaasortanut atuutissapput.



*Inatsisartut upernaakkut ataatsimiinnertik Sermersuup kommuniata ataatsimiittarfiani naammassisariaqarsimavaat.*

# 5 Immikkut pisut

## Unnuk kulturisiorfik

Innuttaasut ilaasortat sulinerannik, allaffeqarfiup suliaanik Inatsisartullu illup iluani avatangiisiinik persuarsiornanngitsumik paasisaartissinnaajumallugit Nuummi Unnuk Kulturisiorfimmi Inatsisartut 2001 aallarnerfigalugu tamanut ammasarput.

Minnerunngitsumik ukiut siuliini iluatsitsilluartoqartarnikummat 22. januari Unnuk Kulturisiorfimmi Inatsisartut peqataaqqipput. Inatsisartut sulinerat Inatsisartullu initaanni eqqumiitsuliat paasisutissiisutugalugit takornariartitsisoqarpoq. Inini ataatsimiittarfinni politikki Inatsisartullu sulinerat pillugit ilisimasat misilerarneqarsinnaapput. Kaffisortarfinni kaffimik, tiimik, kalaallit kaagiinik, naatitanik saftimillu sassaalliisoqarpoq. Partiit gangianut aamma takusaasoqarsinnaavoq ilaasortanillu naapitsinissamut periarfissaqarluni. Siulittaasup allaffia aamma takusarneqarsinnaavoq, tassanilu Namminersorneq pillugu inatsisip naqeqqaarnera aammalu Namminersornerup 21. juni 2009-mi atuutilersinneqarneranut atatillugu Inatsisartut tunissutisiaat ilaatigut takuneqarsinnaapput.

Ukiup siulianut sanilliullugu pulaartut ikinnerulaarput, inuillu 800-t missaanniittut amerlassusilerneqarput. Ilaqutariit meerartallit pulaarnissaannut pitsaaneruseqarpoq periarfissikkumallugit Inatsisartut Allattoqarfiaat nal. 16 -19 ammaavoq.

Unnuk kulturisiorfik pillugu annertuneruseqarpoq paasisutissat ► [inatsisartut.gl/kulturisiorfik](http://inatsisartut.gl/kulturisiorfik)

## Hans Egedep Illuata eqqaani erfalasulerfiup atoqqaarfissiorneqarnera

Inatsisartut Siulittaasuat ulloq 18. marts Hans Egedep Illuata sila-taani erfalasulerfiup atoqqaarfissiorneqarneranik ammaavoq.

Erfalasulerfik ileqqusutut iluseqarpoq.





## Nuummi Sermersuup kommunalbestyrelsiata ataatsimiittarfiata atornerqarnera



Apriliip aallartinnerani kiisalu Inatsisartuni upernaakkut ataatsimiinnerup naammasilernerani Namminersorlutik Oqartussat illutaasa ilaanni, kiisalu Inatsisartoqarfimmi oqoqarnera paasineqarpoq. Sullivinnik Nakkutilliisoqarfiup peq-qusineratigut Inatsisartut Siulittaasoqarfiata Inatsisartuni kiisalu Inersuarmi ataatsimiinnerit tamaasa unitsittariaqsivai.

Upernaakkut ataatsimiinnerit naammassinissaanut ullut sisamat sinneruttullu nalaatsortumik

tamanna pisimavoq. Tamanna tunngavigalugu Inatsisartut upernaakkut ataatsimiinnerisa ullut sisamat kingullit kommunep ataatsimiittarfiani ingerlanneqarsinnaanissaat pillugu Inatsisartut Siulittaasuat noqqaassuteqarsimavoq.

Inatsisartut ataatsimiinneranni kiisalu ataatsimiinnerni oqallinnerit immiunneqarnissaannut sinaakkutissat qulakkeerneqarnissaannut kommunalbestyrelsip ataatsimiittarfia inimik aaqqissuussinikkut elektroniskimillu atortorissaarutigut naleqqunnerpaasimavoq.

Ullut ataatsimiiffissat sinneruttut kommunalbestyrelsip ataatsimiittarfiani ingerlanneqarsinnaanerit Borgmesterip akuersissutigaa, ataatsimiinnerillu pitsaalluinnartumik ingerlanneqarput.

## Siulittaasoqarfiup Islandimi HARPA-mut pulaarnera

Siulittaasoqarfik Newfoundland Labradorimut angalanermini Islandimut aqqusaarnerminut atatillugu Reykjavikkip tusarnaartitsisarfiittaavanut ammarneqaqqammersumut HARPA-mut pulaarpoq.

Siulittaasoqarfik HARPA-p siulersuisuisa siulittaasuannit tusarnaartitsisarfimmi takornarniartinneqarpoq.

## Landsrádit atuutilersinneqarnerannit ukiunik 100-nngortorsiorluni nalliuttorsiorneq

Ulloq 7. august 1911-mi Kujataani Landsrádit siullermeerlutik ataatsimiipput, sapaatillu akunnerata ataatsip qaangiunnerani Avannaani Landsrádit siullermeerlutik ataatsimiinnerannik malitseqartinneqarluni.

Qinikkat sulinerisa oqaluttuarisaanikkut ineriartornerat pillugu paasissutissat ajornanginnerusumik pissarsisarineqarsinnaasut ilalerumallugit Inatsisartut Siulittaasuat qppersakkamik saqqummersitsivoq.



## Ataatsimiittarfiup Kommuneqarfik Sermersuumut atukkiunneqarnera



Kommunalbestyrelsip ataatsimiittarfiata nutaamik natilersorneqarnissaa pissutigalugu Kommuneqarfik Sermersuumi qinikkat ulloq 30. august ataatsimiinnissaasa kommunep avataani ingerlanneqarnissaanik pisariaqartinneqarnerannut atatillugu kommunep Inersuaq atorumalugu Inatsisartut qinnuigai.

Inatsisartut qinnuteqaammut tamatumunga immikkut illuinnartumik akuersissuteqarput, taamaalilluni kommunep ataatsimiittarfiata Inatsisartunut atukkiunneqarsimaneranut atatillugu qujaniuteqarumallutik.

## Siulittaasup 70-liilluni inuissiornera

Inatsisartut Siulittaasuat ulloq 24. november 70-liilluni inuissiorpoq.

Tassunga atatillugu Hans Egedep Illuani ilasseqatigiittoqarpoq, unnukut nerersuaqatigiinnermik malitseqartinneqartumik.



## Toqusimasunik eqqaaniaanerit

**Inatsisartut Siulittaasuat Josef Motzfeldt ulloq 12. februar,  
Agnethe Nielsen eqqaaniarlugu ima oqaaseqarpoq:**

*"Agnethe Nielsenip sulinermini silaqassuseq inoqammullu ataqqinnineq aallaavigai.*

*Ikinngutaalluartoq, qinikkatut inoqatitullu ataqqisaasoq, inuiaqatigiinni atukkatsigut naliginnerusumik atugaqalernissatsinnut ilungersuutiginnittuarsimasoq Agnethe Nielsen inuiaqatigiit nakooqutitta nuimanerpaat ilaat annaavarput.*

*Inuusuttunngulerninnili kommunalbestyrelsimi ilaasortatut nunaqarfitsinnut qinikkatut suleqatini arnartatuaaffigalugit tikikkaangat isumatussutsi isumassuiumassutsilu sulinermini pingaartitani ilisarnaatigigai eqqaamavara.*

*Kingorna ukiorpassuit qaangiunnerini Inatsisartuni ilaasortaqaatitut suleqatiginerani qinersisiminut ilumoorluni sulinini allanngortinnagu nakkaannajuissusia qanimut naligisatut misigisaqarfigisimasinnaagakku qinikkatut sulininni usorsisimassutigaara.*

*Qinikkatut innuttaasunit, minnerunngitsumillu qinersisiminit, nuannarineqartuaannanngitsunik isummersortarnini Agnethe Nielsenip ataqqinaataasa ilaannaraat. Qinersisiginngikkaluakkani ilanngullugit piumasaqarfigissallugit suleriaatsini ilisarnaataasa ilagaat.*

*Ullumikkut qinikkat akornanni sulinermi qinersinissaq tulleeq naleraralugulusooq sulineq Agnethip isummer-sorneraniingisaannarpoq. Akerlianik pingaartitaraa isummami saqqummiunneqarnermini tunngavilersorluagaallutik illersorneqarsinnaanissaat.*

*Soorlu Agnethe Nielsenip sulinermini pereersut siunissamilu pisussat ullumikkorpiaq sulinermigut naapisit-tarai.*

*Agnethe Nielsenip sulinermini silaqassuseq inoqammullu ataqqinnineq aallaavigai.*

*Torersumik peqqinnartumillu inuuneqartariaqarnerput toqussi tikillugu Narsami nunattalu sinnerani ilungersuutigalugit ilungersutigigai peqataaffiguarlugit.*

*Ataqqinnilluta qujanarlutalu eqqaamassavarput."*

**Inatsisartut Siulittaasuat Josef Motzfeldt ulloq 5. juli, Holger Sivertsen eqqaaniarlugu imak oqaaseqarpoq:**

*"Kommunalbestyrelsimi ukiut qulikkaat arlallit Ilulissat kommunerisimasaani ilaasortaasimasooq, siuarsaasut borgmesteriusimasooq aamma 1983-imit 1991-imit qinigaaffinni pingasuni Inatsisartuni ilaasortaasimasooq tatigineqarluni sulillaarsimasooq Holger Sivertsen toqkkut qimaguttoq tusarlugu inuunerup naajasusaa uppernarseqqikkujarput.*

*Uuluku qinikkatut sulinermini isummaminik ersarissuliortartut, allat isumaannik naalaallaqqissutut aamma ilisimasaminik atuilluartutut ilisarnaateqarpoq. Pingaartitaasali ilagaat qanorluunniit qinikkat akornanni isummat naapiffissasiornerat ilungersunartigisaraluarpat nuannaartitserusunneq saqqummiuttuartaramiuk.*

*Qinikkat akornanni partiini assigiinngitsuneerneeq qporfittut isumaqarfiginagu naammassisaqarusunnermini inuinnanguatut maniguussinnaanermik piginnaaniligaagatta Uulukup qaqutigoortumik piginnaaneqarfigaa.*

*Inoqamminut inoroorsaarumatussuseq pigisaa isummanik imaluunniit aqajaqqup imasaanik tunioraaner-miippat pissusissamisuuginnartutut ilitsoqqussamisut ilisarnaatigilluagaasa ilagiinnarpaat.*

*Qitornaasa ilaqutaasullu annaasaminik maqaasineranni Inatsisartut sinnerlugit misiginneqatiginninnera annertoqqutaalaarsinnaasutut tunniuppara.*

*Holger Sivertsen inuiaqatigiinni ukiuni ikaarsaarfiusuni ataqqinassusilimmik ilusileeqataasutut ataqqillugu eqqaamassavarput."*

**Inatsisartut Siulittaasuat Josef Motzfeldt ulloq 19. juli, Peter Ostermann eqqaaniarlugu imak oqaaseqarpoq:**

*"Kommunalbestyrelsimi Inatsisartunilu ilaasortaasimasooq Peter Ostermann toqkkut qimaguppoq.*

*Ukiuni amerlasuuni Qaqortup Kommunerisimasaani qinikkatut malunnaateqartutut sulisimavoq aamma Namminersornerulernerup ukiuni siullerni 20-ni, 1979-99, Inatsisartuni ilaasortaasimalluni.*

*Tulluussimaarutigalugu eqqaamasama ilagaat Peter Ostermann qinigaaffinni sisamani Inatsisartuni ilaasortaqaqatigisimagakku, ukiunilu taakkunani qinikkatut sulinermini suliaminut tunniusimalluartutut ilisarimaler-simallugu.*

*Qinersiminut ataqqinnittuvoq, qinikkat akornanni partimut sumut ataneq apeqqutaatinnagu isumasioqateqarusunneq tunuarsimaarfiginngisaannaraa eqqaamasama aamma ilagaat. Inuunerli ilungersunartoqaraluarluni sulinerinnaanngimmat periarfissaqaraangami qasukkarsimaarsinnaaneq nuannaanermik ilalik piginnaaneqarfigilluagaasa ilagaat.*

*Taamani nunarput qinersivinnut arfineq-pingasunut aggugaammat Piitap partimi nunalerinnermut uumasuteqarnermullu oqaaseqartartuatut qularnani ilungersuutaasa ilagaat inuussutissarsitutip taassuma nunatsinni neqissaqarniarnermut pingaaruteqarsinnaassusia.*

*Ilaatigut Inatsisartut Aningaasaqarnermut Ataatsimiititaliaani ilaasortaqaqatitut Peter Ostermann peqatigalugu nunatta immikkoortui tamaasa angalaqatigisimallugu ataqqillugu ikinngutaalluartutut eqqaamavara.*

*Inatsisartut sinnerlugit qimataanut, Oliviamut qitornaannut, Kristian, Inga aamma Henrik, erngutaanullu misiginneqatiginninnera tunniuppara.*

*Peter Ostermann eqqaamassavara Namminersornerulernerup ukiuni siullerni 20-ni qinikkat akornanni malunnaateqarluarsimasutut, suleqatigilluarsimasatut ikinngutitullu."*



# 6 Inatsisartut katitigaanerat

## Qinikkat agguataarnerat

2. juni 2009-mi kingullermik Inatsisartunut qinersisoqarpoq. Qinersereernerup inernera tunngavigalugu qinikkat imatut agguarneqarput:

Inuit Ataqatigiit	ilaasortat 14
Siumut	ilaasortat 9
Demokraatit	ilaasortat 4
Atassut	ilaasortat 3
Kattusseqatigiit Partiit	ilaasortaq 1

Junimi 2009-mi Inatsisartut inissititerlutik ataatsimiinnerisa kingorna ilaasortat arlallit partiini allani ilaasortaalerput, taamaalillunilu ilaasortaataatit agguarneri allanngorlutik. 31. december 2011 ilaasortaataatit agguarneri imaapput:

Inuit Ataqatigiit	ilaasortat 12
Siumut	ilaasortat 12
Demokraatit	ilaasortat 4
Atassut	ilaasortat 2
Kattusseqatigiit Partiit	ilaasortaq 1

## Sulinngiffeqarneq

Inatsisartuni ilaasortat arlallit Naalakkersuisunut ilaasortaanermi sulinngiffeqarnissamik akuerineqarput. Ilaasortat ataasiakkaat piffissami killilimmi sulinngiffeqarnissaannik Siulittaasoqarfiup taassuma saniatigut akuerai. Sinniisussaqq sulinngiffeqarnermi Inatsisartuni ilaasortanngortarpoq.

### **Inuit Ataqatigiit Naalakkersuisunut ilaasortaataatit uku sulinngiffeqarput:**

Ane Hansen  
Maliina Abelsen  
Agathe Fontain  
Mimi Karlsen

### **Demokraatit Naalakkersuisunut ilaasortaataatit uku sulinngiffeqarput:**

Jens B. Frederiksen  
Palle Christiansen

### **Kattusseqatigiit Partiit ilaasortaataatit uku sulinngiffeqarput:**

Anthon Frederiksen

### **Inuit Ataqatigiinnut sinniisutut uku ilaasortanngorput:**

Anders Olsen  
Debora Kleist  
Jane Petersen  
Isak Hammond

### **Demokraatinut sinniisutut uku ilaasortanngorput:**

Justus Hansen  
Andreas Uldum

### **Kattusseqatigiit Partiianit sinniisutut una ilaasortanngorpoq:**

Knud Fleischer.



## 31. december 2011 Inatsisartunut ilaasortat

### Inuit Ataqtigiit (12 ilaasortat):



Hans Aronsen



Olga P. Berthelsen



Harald Bianco



Aqqaluaq B. Egede



Isak Hammond



Juliane Henningsen



Debora Kleist



Kuupik Kleist



Storm Ludvigsen



Josef Motzfeldt



Naaja Nathanielsen



Jane Petersen

### Demokraatit (4 ilaasortat):




Justus Hansen



Astrid Fleischer Rex



Niels Thomsen 1)



Andreas Uldum

1) Niels Thomsen 15. december Inatsisartunut ilaasortaannerminut tunuarpoq. Jørgen-Ole Nyboe Nielsenimit taarserneqarpoq.

### Kattusseqtigiit Partiiat (1 ilaasorta):



Knud Fleischer



**Siumut (12 ilaasortat):**



Malik Berthelsen



Per Berthelsen



Hans Enoksen



Aleqa Hammond



Ruth Heilmann



Doris Jakobsen



Kristian  
Jeremiassen



Kim Kielsen



Karl Lyberth



Akitsinguaq Olsen



Finn Karlsen



Anders Olsen

**Atassut (2 ilaasortat):**



Siverth K. Heilmann



Knud Kristiansen



# 7 Nersornaat

Namminersorlutik Oqartussat nersornaasiuttagaat Nersornaat 1989-imi Namminersornerullutik Oqartussat ukiut qulinngorlugit nalliuttorsiornerannut atatillugu pilersinneqarpoq. Saqqarmiu Namminersorlutik Oqartussat nersornaasiuttagaasa akimanersaraat, saqqarmiulu Kalaallit Nunaannut piffissami sivisuumi annertuumillu nersortarialimmik sullissisimasunut tunniunneqarsinnaavoq, taakkununga ilaapput kalaallit oqaasii, kulturiat isigineqarnerallu. Inatsiartut Siulittaasoqarfiat saqqarmiuliinissamik aalajangiisartuuvoq. Nersornaat sɔlviusoq kuultiusorluunniit tunniunneqartarpoq.

Saqqarmiu kuultiusoq ukiumut annerpaamik ataasiarluni nersornaasiunneqartassaaq. Saqqarmiu sɔlviusoq ukiumut amerlanerpaamik tallimiarluni nersornaasiunneqartassaaq. Immikkorluinnaq pisoqartillugu Siulittaasoqarfik amerlanerusunik nersornaasiisinnaavoq.

2011-mi kuultiusumik nersornaasikkat	Tunniunneqarpoq:
-/-	-

2011-mi sɔlviusumik nersornaasikkat	Tunniunneqarpoq:
Nikolaj Ludvigsen	18. april
Elisa Nuko	7. september
Torben Alne	7. september
Frederik Kristensen (Kunngi)	14. september

Nersornaat sɔlviusoq Siulittaasoqarfiup apriliip qaammataani Nikolaj Ludvigsenimut tunniuppaa, inuiaqatigiit oqallinneranni piffissami sivisuumi annertuumillu nersortarialimmik peqataanermigut sullissisimanera tunngavigalugu.

Siulittaasoqarfiup septemberip qaammataani nersornaatit sɔlviusut pingasut tunniuppai.

Siulleq Elisa Nukomut tunniunneqarpoq, piffissami sivisuumi annertuumillu nersortarialimmik Kalaallit Nunaanni piorsarsimassutsikkut sullissisimanera tunngavigalugu.

Nersornaatip aappaa Torben Harald Alnemut tunniunneqarpoq, piffissami sivisuumi annertuumillu Kalaallit Nunaanni inunnik isumaginninnermi perorsaanermik suliaqarnini aqutigalugu kalaallit piorsarsimassusiannik annertunerusumik paasinnilersitsisimanera tunngavigalugu.

Nersornaatit pingajuat Frederik Kristensenimut, Kunngimut tunniunneqarpoq, Kalaallit Nunaanni piorsarsimassutsikkut suliaqarluni piffissami sivisuumi annertuumillu peqataasimanera tunngavigalugu.

Nersornaasiinerit Hans Egedep Illuani ilasseqatigiinnermi ingerlanneqarput.

# Nersornaat pillugu aalajangersakkat

## § 1

Saqqarmioq taaguuteqarpoq Nersornaat.

## § 2

Saqqarmiup ilusaa ilanngussami takuneqarsinnaavoq. Saqqarmioq danskit saqqarmiuasut ningaliusatut imusatut siillikimik aappaluttumik qaqortumillu imusamik attanneqarpoq. Siiliki aappaluttoq qaqortorlu imusaq kalaallit erfalasuattut ilusiligaavoq.

## § 3

Saqqarmioq Inatsisartut Siulittaasoqarfianit tunniuneqartarpoq. Tunniussisoqartinnagu Naalakkersuisut tusarniarneqassapput. Inassuteqaat apeqqutaatinnagu tunniussisoqarsinnaavoq. Siulittaasoqarfiup Inatsisartunut imaluunniit Naalakkersuisunut ilaasortaq tunniussinissamut pisinnaatissinnaavaa.

## § 4

Saqqarmioq danskisut nunamiluunniit allamiutut innuttaassusilinnut Kalaallit Nunaat pillugu, tamatumani-taaq kalaallit oqaasii, piorsarsimassusiat, isigineqarnerallu pillugu sivisuumik annertuumillu nersortarialimmik suliniuteqarsimasunut tunniuneqarsinnaavoq.

## § 5

Nersornaat kuultiusoq imaluunniit sɔlviusoq tunniuneqartarpoq.

Nersornaat kuultiusoq ukiumut annerpaamik ataasiarluni tunniuneqartarpoq. Nersornaat sɔlviusoq annerpaamik ukiumut tallimariarluni tunniuneqartarpoq. Pissutsini immikkut ittuni taamatut amerlassusiliineq Siulittaasoqarfimmit sanioqqunneqarsinnaavoq.

Saqqarmioq kuultiusoq tiguisoq toqunerani utertinneqassaaq, sɔlviusorli utertinneqassanani. Kuultiusoq utertinneqanngippat Siulittaasoqarfiup aalajangiineratigut taarsiissuteqarnissamik piumasaqartoqarsinnaavoq.

Saqqarmiumut ilaliullugu saqqarmiumik tunineqartoq allagartamik uppernarsaammik tunisissaaq. Allagartaq uppernarsaat tunniussinermut tunngavilersuummik imaqarsinnaavoq. Allagartaq uppernarsaat Inatsisartut Siulittaasuannit atsiorneqassaaq.

## § 6

Kinaluunniit saqqarmiumik tiguisoq tunineqarsinnaannginnermut pissutsinik iliuseqarsimappat, Siulittaasoqarfiup aalajangersaaneratigut saqqarmioq tassannga arsaarinnissutigineqarsinnaavoq.

## § 7

Kinaluunniit saqqarmiumik tiguisoq tunineqarsinnaannginnermut pissutsinik iliuseqarsimappat, Siulittaasoqarfiup aalajangersaaneratigut saqqarmioq tassannga arsaarinnissutigineqarsinnaavoq.

Taamaalilluni Inatsisartut Siulittaasoqarfianni akuerineqarpoq:

Nuuk, ulloq 8. marts 2010

Josef Motzfeldt  
Inatsisartut Siulittaasuut

/

Ellen Kolby Chemnitz  
Allattaaneq





*Nikolaj Ludvigsen sølviumik nersornaaserneqarpoq.*



*Else Nuko sølviumik nersornaaserneqarpoq.*



*Torben Alne sølviumik nersornaaserneqarpoq.*



*Frederik Kristensen, Kunngi,  
sølviumik nersornaaserneqarpoq.*





## 8 Inatsisartut Ombudsmandiat

Ukiut siuliinut naleqqiullugu suliakkiutit suli taamak amerlatigineri Ombudsmandimit malugineqarpoq.

Naammagittaalliutit amerligaluttunnartut sulianut allagaatinik takunnissinnaatitaanermik itigartitsisimanernut tunngasuusut, Ombudsmandip allagaataani 2011-imi suliarineqartunut tunngasuni ilisarnaataapput.

Tamanna pisortat suliaannut tunngasunik takunnissinnaatitaanerminnik innuttaasut anneruleraluttuinnartumik ilisima-saqalernerannik takutitsisuusut, taamatullu pitsaasuusut Ombudsmandip nalilerpaa.

Aammattaaq Namminersorlutik Oqartussat iluminni aqqissuussaanikkut katitigaanerat, ingammik Naalakkersuiso-qarfiit ataanni pisortaqarfiit sorliit oqartussaassuseqarneri, immikkoortortallu sorliit aqqissuussaanikkut Naalak-kersuisoqarfiit immikkoortortannut allaffinnullu agguataagaanerannut takussutissaaginnarnersut erserluttoq Ombudsmandimit 2011-imi malugineqarpoq, taamaasilluni aqutsineri periutsit malittarisassanik erseqqissunik aallaaveqarluni ingerlanneqaratik. 2011-mut ukiumoortumik nalunaarutimini Ombudsmandip ajornartorsiut tamanna allaaseralugu qaqilerniarpaa.

Soorluttaaq 2010-mi taamak pisoqartoq, Ombudsmandip 2011-mut ukiumoortumik nalunaarutaa atuakkatut CD-ROM-imillu uigullugu saqqummiunneqassaaq.



# 9 Ataatsimiinnernut takussutissiaq

## 2009-mi qinersinerup kingorna ataatsimiinnernut takussutissiaq

2009-mi inissitsiterfiusumik ataatsimiinneq 12. junimit 16. junimut ullunik pingasunik ataatsimiiffiuvoq.  
 2009-mi immikkut ittumik ulluni marlunni ataatsimiinneq 16. junimiit 19. junimut ataatsimiiffiusoq.  
 2009-mi ukiakkut ataatsimiinneq 25. septemberimit 27. novemberimut ullunik 28-nik ataatsimiiffiuvoq.  
 2010-mi upernaakkut ataatsimiinneq 9. aprilimit 18. majimut ullunik 16-inik ataatsimiiffiuvoq.  
 2010-mi ukiakkut ataatsimiinneq 17. septemberimit 15. novemberimut ullunik 23-inik ataatsimiiffiuvoq.  
 2011-mi upernaakkut ataatsimiinneq 1. martsimiit 13. aprilimut ullunik 18-inik ataatsimiiffiuvoq.  
 2011-mi ukiakkut ataatsimiinneq 16. septemberimiit 15. novemberimut ullunik 27-nik ataatsimiiffiuvoq.

2009-mi, 2010-mi 2011-milu ataatsimiinnerni Inatsisartuni sulineq	2009-mi inissitsi- terfiusumik	2009-mi immik- kut	2009-mi ukiak- kut	2010-mi uper- naakkut	2010-mi ukiak- kut	2011-mi uper- naakkut	2011-mi ukiak- kut
Ullut ataatsimiiffiit	3	2	27	16	23	18	27
Akunnerit Naalakkersuisunut apeqquaqarfiit	-/-	-/-	-/-	2	7	5	7
Naalakkersuisut aalajangiiffigisassatut siunnersuutaat	0	4	6	12	4	6	5
Naalakkersuisut inatsisissatut peqqussutissatullu siunnersuutaat	0	0	25	25	13	5	18
Nassuiaatit nalunaarutillu Naalakkersuisut saqqummiussaataat	0	0	8	7	3	2	7
Ilaasortat aalajangiiffigisassatut siunnersuutaat	0	0	45	33	30	33	46
Ilaasortat inatsisissatut peqqussutissatullu siunnersuutaat	0	0	1	2	3	1	3
Nunat Avannarliit Killiit Siunnersuisoqatigiiffiata aalajangersagaat	0	0	0	1	5	5	1
Apeqquaqarfiit aallaavigalugu oqallinnissamut siunnersuutit	0	0	9	12	6	8	21
Naalakkersuisunut apeqquqtit	0	0	21	2	5	-/-	-/-
<b>Immikkoortut katillugit</b>	<b>0</b>	<b>4</b>	<b>115</b>	<b>94</b>	<b>69</b>	<b>60</b>	<b>101</b>

## Digitalimik aallakaatitsissutit atorlugit ataatsimiinnerit TV-kkut aallakaatinneqartarneri

2011-mi upernaakkut ataatsimiinnermiit kanalit digitalimik aallakaatitsiviusartut saniatigut immikkut kanalikkut ataatsimiinnerit KNR TV-kkut toqqaannartumik aallakaatinneqartalerput. Taamaalluni Siulittaasoqarfiup ukiorpassuarni kissaatigineqartarsimasoq naammassivaa. Taamatut aaqqiissuteqarnikkut ataatsimiinnerit tamarmik isiginnaarutikkut ingerlaavartumik unitsinneqassanatik oqaatsit marluk atorlugit isiginnaarneqarsinnaalerput.

Aallakaatitsissutit digitaliusut atorlugit aallakaatitsisarnerit nunarput tamakkerlugu sulit atulinngimmata aatsaat 2012-imiit ataatsimiinnerit tamakkiisumik nunarput tamakkerlugu malinnaavigineqarsinnaalissapput nunarput tamakkerlugu digital atorlugu aallakaatitat tiguneqarsinnaaleripata.







# 10 Akunneq Naalakkersuisunut apeqquteqarfik

Suleriaatsimi § 37, imm. 5 sapaatip akunneranut ataasiarluni akunnermik ataatsimik sivisussuseqartumik Naalakkersuisunut apeqquteqarfissamik aalajangersaanissamut Siulittaasoqarfiup periarfissaqarneranik imalik, siullerpaamik atorpeqassasoq Inatsisartut Siulittaasoqarfiata april 2010-mi aalajangiuppaa. Tassani Inatsisartunut ilaasortat oqaatigalugu nalunaarutigeqqaarnagulu Naalakkersuisunut ingerlaannartumik akisassamik apeqquteqarsinnaapput.

Apeqqutit partiillu sapinngisamik amerlanerpaat angumeriumallugit oqaaseqarnermi piffissaliussat saneqqunneqarsinnaanerannik suleriaatsimut ilanngussaq tunngavigalugu akunneq apeqquteqarfissaq ima ingerlanneqartassasoq aalajangiunneqarpoq:

- Minutsit marluk atorlugit apeqquteqartoqartassasoq,
- Naalakkersuisunut ilaasortap akissutaa minutsinit marlunnit sivisunerussanngitsoq,
- Akissuteqarfigineqareeruni apeqquteqartoq ataasiarluni minutsimik ataatsimik sivisussusilimmik apeqquteqaaqqissinnaasoq,
- Tamatuma akinissaanut Naalakkersuisunut ilaasortaq minutsimik ataatsimik periarfissaqartoq,
- Partiit tamarmik immikkut apeqqutinik annerpaamik pingasunik apeqquteqarsinnaasut (tassunga apeqquteqaaqqinnerit ilanngunneqanngillat),
- Partiit tamarmik pingasunik apeqquteqarnissamik periarfissinneqareerpata piffissarlu sinneqarpat kikkulluunniit apeqquteqarsinnaassasut.

Akunnerit apeqquteqarfiit uku ingerlanneqarput:

2011-mi upernaakkut ataatsimiinneq	
16. marts	Peqqissutsimut Naalakkersuisoq Agathe Fontain
17. marts	Ineqarnermut, Attaveqarnermut Angallanermullu Naalakkersuisoq Naalakkersuisullu Siulittaasuata tullia Jens B. Frederiksen Nunami namminerimi pissutsinut, Pinngortitamut Avatangüisinullu Naalakkersuisoq Anthon Frederiksen
23. marts	Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq Mimi Karlsen
30. marts	Aalisarnermut, Piniarnermut Nunalerinermullu Naalakkersuisoq Ane Hansen Ilinniartitaanermut, Ilisimatusarnermut Nunallu avannarliit suleqatigiinnerannut Naalakkersuisoq Palle Christiansen
6. april	Aningaasaqarnermut Naalakkersuisoq Maliina Abelsen
13. april	Naalakkersuisut Siulittaasuata aamma Nunanut allanut tunngasunut Naalakkersuisoq Kuupik Kleist

2011-mi ukiakkut ataatsimiinneq	
21. september	Nunami namminerimi pissutsinut, Pinngortitamut Avatangüisinullu Naalakkersuisoq Anthon Frederiksen
28. september	Inuusutissarsiornermut Aatsitassanullu Naalakkersuisoq Ove Karl Berthelsen
5. oktober	Ilinniartitaanermut, Ilisimatusarnermut Nunallu avannarliit suleqatigiinnerannut Naalakkersuisoq Palle Christiansen
12. oktober	Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq Mimi Karlsen
19. oktober	Ineqarnermut, Attaveqarnermut Angallanermullu Naalakkersuisoq Naalakkersuisullu Siulittaasuata tullia Jens B. Frederiksen
26. oktober	Aningaasaqarnermut Naalakkersuisoq Maliina Abelsen Naalakkersuisut Siulittaasuata aamma Nunanut allanut tunngasunut Naalakkersuisoq Kuupik Kleist
9. november	Peqqissutsimut Naalakkersuisoq Agathe Fontain Aalisarnermut, Piniarnermut Nunalerinermullu Naalakkersuisoq Ane Hansen

2 Sereqaataat ataasiinnaq akuersissutigineqarsinnaavoq. Inatsisartut oqaaseqaateqarnissaamut siunnersuut ataaseq akuersissutigineqarpat, inatsisartut oqaaseqaatissaattut siunnersuutaajunnartut ataatsimiinnermik aqutsisumut nalunaarutigineqartut, sulili taasisutigineqanngitsut, atorunnaassapput. Apeqquteqaammik oqalliginninnerup nalaani allatut ilusilimmik aalajangiisoqarsinnaanngilaq, takukkilli §5-it 50-miit 52-mut.

### Naalakkersuisunut apeqqutit

§ 37. Inatsisartunut ilaasortaq pisortat suliasaataat pillugu paasisutissinneqarnissaminik kissaateqaruni tamanna Naalakkersuisunut apeqqutit saqqummiussinnaavaa. Apeqqut allaganngorlugu Inatsisartut Siulittaasuannut saqqummiunneqassaaq, taassumalu apeqqut agguanneqareerpat Inatsisartunut nalunaarutigissavaa. Apeqqut naatsumik erseqqissumillu ilusilerneqassaaq aammalu tunngavilersuutitaqassalluni.

Imm. 2. Naalakkersuisut apeqqut akissuteqarfigisinnaanagu nalunaarpat suliarinera taamaalilluni naammasineqassaaq.

Imm. 3. Inatsisartut Siulittaasuata isumagissavaa Naalakkersuisut akissutaata apeqquteqartumut ingerlatagijumigarnissaat, taamatullu aamma apeqqutig akissutillu Inatsisartunut ilaasortanut takkussiornerperissaat.

Imm. 4. Apeqqutit akissuteqarfigarnissaata tungavilerneqarsinnaassapput. Apeqqut allatut saqqummiunneqarsinnaanngilaq.

Imm. 5. Inatsisartut ataatsimiinnermik pisortat

Suliarluni nalunaaquttap akunni sivilissusilimmik apeqquteqarsinnaavoq. Inatsisartut oqaatigalugu nalunaarutigineqarsuisunut ingerlaannartuquteqarfigisinnaasaannik, ataasiarluni nalunaaquttap akunni sivilissusilimmik apeqqutit jangiisoqarsinnaanngilaq, atorneqassaaq.

### Kapitali 12

Inatsisartut katersuuttat ataatsimiittarnerilu Tu

§ 38. Inatsisartut ukiutaani tallimanngorneri poq ukiullu tulliani tallilugu ingerlasarluni.

Imm. 2. Inatsisartut sartut ikinnerpaamik ataatsimiittassappu

Imm. 3. Inatsisartut leraangagu imaluunisuata piumasarigaa

ilaasortat ikinnerperngassuk Inatsisartut

aqutsisumik nalunaarvigalugu immikkut

immikkut ittumik tunngavilerneqartut neqartassapput

# 11 § 37 naapertorlugu apeqqutit

Inatsisartut Suleriaasianni § 37 (siusinnerusukkut § 36) naapertorlugu pisortat suliassaataat pillugit Naalakkersuisunut apeqquteqarluni ilaasortaq paasisutissinneqarsinnaavoq. Apeqqut allaganngorlugu Inatsisartut Siulittaasuanut saqqummiunneqassaaq, taassumalu apeqqut agguanneqareerpat Inatsisartunut nalunaarutigissavaa. Apeqqut naatsumik erseqqissumillu ilusilerneqassaaq aammalu tunngavilersuutitaqassalluni.

2008-miilli § 36 / § 37 naapertorlugu apeqqutit ima amerlatigisut partiinit saqqummiunneqarput:

Partii	2008	2009	2010	2011
Inuit Ataatigiiit	43	42	21	30
Siumut	17	88	205	142
Demokraatit	44	27	24	48
Atassut	6	5	23	17
Kattusseqatigiiit Partiiat	15	7	5	15
Attaviitsut	3	2	-	-
<b>Katillugit</b>	<b>128</b>	<b>171</b>	<b>278</b>	<b>252</b>



# 12 Ataatsimiititaliat sulinerannut takussutissiaq

Inatsisartut ataatsimiinnerisa saniatigut suliassaq tullertut pingaarutilik tassaavoq ataatsimiititaliani sulinermik ingerlatsineq.

Inatsisartut ukiut tamaasa ataatsimiititaliat inatsisit naapertorlugit pilersinneqartussat aamma ataatsimiititaliat ataavartut pilersittarpaat. Ataatsimiititaliat pingaarnertut suliassaraat inatsisissatut aalajangiiffigisassatullu siunnersuutit Inatsisartunit ataatsimiititalianut suliarisassanngorlugit innersuunneqartut misissorlugillu isumaliutissis-suteqarfiginissaat. Aammattaq ataatsimiititaliat suliassaqarfimmik iluanni ineriartornermik malinnaasussaapput aamalu inatsisitigut killiliussat iluanni Naalakkersuisut ingerlatsinersut nakkutigissallugu. Ataatsimiititaliat naliginnaasumik Inatsisartunut ilaasortanik tallimanik (pissutsilluunniit immikkut ittut pisariaqartippassuk arfineq-marlunnik) ilaasortaqqartarput. Ataatsimiititalianut qinersisoqartarpoq d'Hondtip periaasianik taaneqartartoq naapertorlugu.

Siulittaasoqarfiup 1. juni ataatsimiititaliat arlallit kattunneqarnissaat akueraa. Tamannalu atuutilerpoq ukiakkut ataatsimiinnerup 16. september aallartinnerani ataatsimiititaliallu 17-iusimagaluartut aqqanilngortinneqarlutik. Peqatigitillugu ataatsimiititaliat ilaanni ilaasortat tallimaniit arfineq-marlungortinneqarput.

Siulittaasoqarfiup taamatut ataatsimiititaliaqarnikkut aqqqissuussaanerup allanngortinneqarneratigut kissaatigisimavaa ilaasortat sulinerata nukittorsarnissaa ataatsimiititaliat arlallit kattunneqarnerisigut ilaasortat ataatsimiititaliani arlalinni ataatsimiittarnerpassuarnik ataqatigiissitsiniartussaajunnaarsillugit, akerlianilli periarfissillugit ataatsimiititaliami ataatsimi annertunerusumilli suliqaqtuni sulinerup nukittorsarsinnaanissaanut. Taamaaliornikkut naatsorsuutigineqarpoq ataatsimiititaliaqarneq eqqarsaatigalugu suliassaqarfiit pissusissamisoortumik imminnut atasut ataatsimiititalialli ataatsip ataani ingerlanneqarsinnaasut nukittorsarneqarsinnaasasut.

Ataatsimiititalianik kattussuinerup kinguneranik septembarip ulluisa 16-ianniit ataatsimiititaliat ukuulerput:

## **Ataatsimiititaliat inatsisit naapertorlugit pilersinneqartussat**

- Siulittaasoqarfik (ilaasortat tallimat)
- Aningaasaqarnermut Akileraartarnermullu Ataatsimiititaliaq (ilaasortat arfineq-marluk)
- Inatsisinut Ataatsimiititaliaq (ilaasortat tallimat)
- Kukkunersuinermut Ataatsimiititaliaq (ilaasortat tallimat)
- Nunanut allanut Sillimaniarnermullu Ataatsimiititaliaq (ilaasortat tallimat)
- Qinigaanerup misilinneqarnissaanut Ataatsimiititaliaq (ilaasortat tallimat)

## **Ataatsimiititaliat ataavartut**

- Sanaartornermut Avatangisinnullu Ataatsimiititaliaq (ilaasortat arfineq-marluk)
- Ilaqutariinnermut Peqqissutsimullu Ataatsimiititaliaq (ilaasortat arfineq-marluk)
- Aalisarnermut, Piniarnermut Nunalerinerimullu Ataatsimiititaliaq (ilaasortat arfineq-marluk)
- Inuussutissarsiornermut Ataatsimiititaliaq (ilaasortat arfineq-marluk)
- Kultureqarnermut, Ilinniartitaanerimut, Ilageeqarnermut Ilisimatusarnermullu Ataatsimiititaliaq (ilaasortat tallimat)



## Ataatsimiititaliaq 2011-imi sulinerat

Ataatsimiititaliaq	Ataatsimiititaliaq ataatsimiinneri	Isumaliutissiissutit / Ilassutitit isumaliutissiissutit	Paasisassarsiorluni angalanerit ataatsimiinnerillu	Naalakkersuisunik apersuinerit	Ataatsimiititaliamut sassarnerit
<b>Ataatsimiititaliaq inatsisit naapertorlugit pilersinneqartussat</b>					
Aningaasaqarnermut Ataatsimiititaliaq 1)	27	1	3	4	1
Aningaasaqarnermut Akileraartarnermullu Ataatsimiititaliaq 1)	26	3/1	-	3	1
Inatsisinut Ataatsimiititaliaq 5)	10	7	3	1	2
Kukkunersuinerimut Ataatsimiititaliaq	9	-	1	1	-
Nunanut Allanut Sillimaniarnermullu Ataatsimiititaliaq	9	-	3	4	-
Qinigaanerup misilinneqarnissaanut Ataatsimiititaliaq	2	-	-	-	-
<b>Ataatsimiititaliaq ataavartut</b>					
Sanaartornermut Avatangiisinullu Ataatsimiititaliaq 4)	11	4/1	4	-	2
Nunatsinni aluminiumik aatsitsiviliornerneq pillugu Ataatsimiititaliaq 2)	-	-	1	-	-
Inuussutissarsiornermut Ataatsimiititaliaq 2)	16	-	1	2	1
Ilaqutariinnermut Ataatsimiititaliaq 3)	11	3	3	3	-
Ilaqutariinnermut Peqqissutsimullu Ataatsimiititaliaq 3)	11	6/1	4	-	-
Aalisarnermut, Piniarnermut Nunalerinermullu Ataatsimiititaliaq	16	3/1	8	3	-
Eqqissimatitsinerimut Avatangiisinullu Ataatsimiititaliaq 4)	12	-	10	1	-
Nunami Namminerimi Pissutsinut Ataatsimiititaliaq 5)	4	-	2	-	-
Attaveqarnermut Ineqarnermullu Ataatsimiititaliaq 4)	7	4/1	3	-	-
Aatsitassarsiornerimut Ataatsimiititaliaq	1	-	-	-	-
Akileraartarnerimut Akitsuusiisarnermullu Ataatsimiititaliaq 1)	13	-	1	2	-
Peqqissutsimut Ataatsimiititaliaq 3)	5	-	4	-	2
Kultureqarnerimut, Ilinniartitaanerimut Ilimatusarnerimut Ilageeqarnermullu Ataatsimiititaliaq	19	11	12	3	3
<b>Katillugit</b>	<b>209</b>	<b>47</b>	<b>63</b>	<b>27</b>	<b>12</b>

Nassuiaatit:

1. Aningaasaqarnermut Ataatsimiititaliaq 16. september aallartittumik Akileraartarnermut Akitsuusiisarnermullu Ataatsimiititaliarlu kattunneqarput Aningaasaqarnermut Akileraartarnermullu Ataatsimiititaliangorlutik.
2. Nunatsinni aluminiuliorfimmik pilersitsisinnaanermut ataatsimiititaliaaqallartoq 16. september aallartittumik Aatsitassanut Ataatsimiititaliarlu kattunneqarput Inuussutissarsiornermut Ataatsimiititaliangorlutik.
3. Ilaqtariinnermut Ataatsimiititaliaq aamma Peqqissutsimut Ataatsimiititaliaq 16. september aallartittumik kattunneqarput Ilaqtariinnermut Peqqissutsimullu Ataatsimiititaliangorlutik.
4. Eqqissimatitsinerneq Avatangiisinullu Ataatsimiititaliaq aamma Attaveqarnermut Pilersuinerullu aamma Ineqarnermut Ataatsimiititaliaq 16. september aallartittumik kattunneqarput Sanaartornermut Avatangiisinullu Ataatsimiititaliangorlutik.
5. Nunami namminerneq pissutsinut Ataatsimiititaliaq 16. september aallartittumik Inatsisinut Ataatsimiititaliamut kattunneqarpoq.



*Ilaqutariinnermut Ataatsimiititaliamut aamma Nunami Namminermi Pissutsit pillugit Ataatsimiititaliamut ilaasortat Uummannami Aalisarnermut Piniarnermullu Ilinniarfiup silataani.*

# 13 Ataatsimiititaliani ingerlatat

## Aningaasaqarnermut Ataatsimiititaliaq

Ataatsimiititaliaq aningaasartuutai kr.	2008	2009	2010	2011
kr.	285.798	221.803	167.685	212.109

### Paasisassarsiorluni angalanerit ataatsimiinnerillu:

21.-31. januar: Inuusutissarsiornermut Ataatsimiititaliaq peqatigalugu Skotlandimut paasisassarsiorluni angalaneg Kalaallit Nunaanni eqqaanilu uuliamik gassimillu ujaasinissamut uuliasioqatigiiffiit soqutiginninnerat annertusiar-torpoq. Skottit uuliasioqatigiiffiat Cairn Energy ukiuni kingullerni nunatta imartaani uuliamik gassimillu ujaasivoq. Ingerlatseqatigiiffik misileraalluni qillerisimavoq, qillerinerillu taakku 2011-imi ingerlatat nanginnissaannut tunngavis-siisimapput. Kalaallit Nunaanni uuliamik gassimillu kisermaassilluni ujaasinissamut qalluinissamullu akuersissutinik nutaanik arfineq marlunnik Naalakkersuisut ulloq 2. december 2010-mi tunniussipput. Siunissami ungasippallaanngit-sumi nunatsinni nutaamik suliffissuaqalernissamut periarfissaqarpoq.

Tamanna tunngavigalugu Skotlandimut tikeraarnissaq naleqquttutut Aningaasaqarnermut Ataatsimiititaliamit Inuus-utissarsiornermullu Ataatsimiititaliamit isigineqarsimavoq, tamatumani ilaatigut 1970-ikkut aallartilaarneranni Nordsømi uuliamik nassaarneq Skotlandimi namminersornermut, inuiaqatigiinnut inuusutissarsiornermullu qanoq sunniuteqarsimanersoq misissuiffigineqassalluni. Angalanerimi aamma siunertarineqarpoq skottit misilittagaasa kuk-nerisalu ilinniartiginissaat, taamaaliornikkut misilittakkat nunatsinnut tunngatillugu ilaatinneqarsinnaaqqullugit.

Ataatsimiititaliaq illoqarfiit Aberdeen, Edinburgh aamma Glasgow tikeraarpat aammalu skottit inatsisartuisa sinniisuinik, illoqarfiit pisortaannik aammalu Aberdeenimi borgmesterimik kiisalu suliffeqarfiit pisortanit aningaasalersorneqartut skot-tillu uuliamik suliffissuaqarnerannik aammalu uuliamik qalluinerimi teknologimut tunngasumik immikkut ilisimasanik ineriartortitsinerimi akuusut ataatsimeeqatigineqarput. Taamatuttaaq Cairn Energyp qitiusumik allaffeqarfia ataatsimiititaliaanit takuniarneqarpoq, tamatumani ingerlatseqatigiiffiup aqutsisui ataatsimiititaliaanit ammasumik oqaloqatigineqarlutik.

Inatsisartunit aallartitanik Skotlandimut aatsaat tikeraartoqarpoq. Aallartitat tikitaminnit tamanit ammasumik soquti-ginnittumillu tikilluaqqulluarneqarput.

16. juni: Ilinniartitaanermut Nunanullu Avannarlernut Suleqateqarnermut Naalakkersuisoq peqatigalugu ullup affaani isumasioqatigiinnermi peqataaneq. Isumasioqatigiinnermi pingaarnertut pineqarpoq atuarfimmi alloriarfinni misilitsin-nerit nunalu tamakkerlugu misilitsinnerit pillugit maanna suliaqarneq. Taamatut sulineq pillugu saqqummiivoq Peter Allerup Danmarks Pædagogiske Universitetimit. Kiisalu atuarfik pillugu paasissutissanik qarasaasiakkut katersivik nutaaq ilinniartitaanermut pilersaarut aqqutigalugu EU-mit aningaasaliusanik tapiiffigineqarluni ineriartortinneqar-toq pillugu paasissutissiisoqarpoq.

11. oktober: Piffissap qiteqqunnerani Inuunerittamik naliliinerup saqqummiunneqarnerani Peqqissutsimut Naalakker-suisoq peqatigalugu peqataaneq. Naliliineq immikkut ilisimasalinnit Finn Kamper-Jørgensenimit, Statens Institut for Folkesundhedimi seniorkonsulentiusumit, nakorsa, Ph.D., kiisalu Tine Parsimit, Ilisimatusarfimmi rektorimit, Cand. Scient., aamma Line Dalentoftimit, Sermersuup Kommuniani peqqissutsimut pinaveersaartitsinerimullu immikkoortor-tami pisortamit saqqummiunneqarpoq.

### Naalakkersuisunik apersuinerit:

5. januar: Aalisarnermut, Piniarnermut Nunalerinerimullu Naalakkersuisumik apersuineq aamma Ineqarnermut, Attaveqarnermut Angallanermullu Naalakkersuisumik apersuineq.

14. januar: Ineqarnermut, Attaveqarnermut Angallanermullu Naalakkersuisumik apersuineq.

7. februar: Ineqarnermut, Attaveqarnermut Angallanermullu Naalakkersuisumik aammalu Aningaasaqarnermut Naalakkersuisumik ataatsimut apersuineq.

23. august: Ineqarnermut, Attaveqarnermut Angallanermullu Naalakkersuisumik apersuineq.

## Skotlandimut angalanertik tunngavigalugu Aningaasaqarnermut Ataatsimiititaliap Inuussutissarsiornermut Ataatsimiititaliaq peqatigalugu pissutsinik arlalinnik erseqqissaapput

Aberdeen siusinnerusukkut aalisartoqarfissuusimavoq annertuumik suliffissaaleqiffiusoq, ullumikkullu pissutsit allangorluinnarsimallutik, uuliasiorneq aallaavigalugu sullissinermik teknikikkullu qaffasissumik suliffeqarfiit ilisarnaataalersimallutik. Uuliasiornermut qalluinernullu atatillugu teknikikkut suliffeqarfiit aallunneqarnerisa saniatigut nuna tamakkerlugu nukissiuutinik ataavartunik ilisimatusarneq atuinerlu assut aallunneqarput. Umiar-sualivik ullumikkut suliffeqarfiuvoq akilersinnaalluortoq sulisorpassuaqartorlu. Ineriartorneq tamanna najukkami kommunalbestyrelsip assut tulluusimaarutigaa. Ineriartornerullu tamatumunnga saatinneqarnissaa Aberdeenip siunissaa eqqarsaatigalugu aamma naalakkersuinikkut imaangitsunik isummertariaqarsimanernik pisariaqartit-siviusimavoq.

Aberdeenimi kommunalbestyrelsip taamatuttaaq uuliasiorluni uuliamillu qalluinermik suliffissuaqarnerup ineriartortinneqarneranut atatillugu illoqarfimmu nunanit allanit sulisunik ilinniarluarsimasunik tikerartoqarsimanera ajortussaqaartinngilaq, tassami taakku illoqarfiup ineriartorneranik sakkortusaaqataallutillu aalajangiusimatitsi-simammata. Erseqqissarneqarpoq uulia aallaavigalugu suliffissuaqarnermi nunanit allanit sulisoqarnissaaq pinngitsoorneqarsinnaangitsoq. Peqatigitillugu aamma misigineqarsimavoq inuussutissarsiutinut allanut skottinik sulisussarsiniartarneq ajornarnerulersimasoq uuliasiornermi sulerusunneq annertunerummat tassani akissarsia-ritinneqartut qaffasinnerummata.

Uulianik nassaarfiusimasuni taakku uuliaarunnerannut gaseerunnerannulluunniit atatillugu atortuusimasut piiarnissaannut pilersaarummik qularnaarussinissaaq pisariaqarluinnarpoq. Iluaquteqarniarnerup aallarteqqaarne-raniilli saliinissamut ingerlatseqatigiiffiit aningaasanik immikkoortitsinissaat pissarsiviusumik qularnaarneqar-sinnaavoq.

Tikeraakkanit taamatuttaaq kaammattuutigineqarpoq uuliamit pisuussutinit pissarsiat siumut isigisumik aninga-asaliissutigineqartarnissaat Kalaallit Nunaata qularnaarniassagaa, aningaasat uuliasiornermit isertinneqartut ingerlaavartumik pisortat ingerlatsinermut aningaasartuutaasa annertusarneqarnerinut atornagit. Uuliamit isertitanut aningaasaateqarfik periarfissaavoq, namminerli iluatsisinissamut qularnaveeqqutaanani - iluatsis-sappat naalakkersuinikkut imminut killilersinnaaneq akisussaassuseqarnerlu pisariaqarput. Tuluit Nunaanni aningaasaateqarfimmik pilersitsisoqarsimanngilaq allatulluunniit uuliaarunnissaanut upalungaarsortoqarsima-nani. Nunatsinnit tikeraartut tikeraarfimminnut ilisimatitsissutigisinnaavaat Kalaallit Nunaat aatsitassarsiorner-mit uuliasiornermillu isertitanut aningaasaateqarfimmik pilersitsisimasoq, aningaasaateqarfimmi uninngasuutit ungasissumut isigalugu aquanneqarnissaannik qularnaariniartussamik inatsisitigut tunngavilimmik.

Uuliasiornermik qalluinermillu suliffissuaqarnerup ilaasa immikkoortut suliffeqarfiillu tassunga atasut aallaq-qaataaniilli nunatsinni sorlaqalernissaannut ilioriusissior-toqartariaqarpoq suliffissanik ataavartunik inuussutis-sarsiornerup sinneranut pitsaasumik sunnuteqarsinnaasunik pilersitsinissaaq orniginartinneqaaqqullugu. Taamatut ilioriusissiorneq iluatsissappat sulisinnaasut tuluit oqaasiinik sukumiisumik ilisimasaqarnissaat piumasaqaa-taavoq.

Tikeraat taamatuttaaq Aberdeenimi Robert Gordon Universitymut pulaarput. Universitetimi tassani uuliasior-nermik gassiornermilu tamatumunngalu atatillugu pisortat ingerlatsiviini sulisunut sammisunik pikkorissar-titsinernik piginnaanngorsaaqqinnernillu immikkut aqqqissuussanik pikkorissartitsisarput. Pikkorissartitsinerit pisortat ilinniar-titsinermik allaffissornikkut aqutsinerat avaqqullugu inuussutissarsiornermik ingerlataqartut toqqaannartumik suleqatigalugit ineriartortinneqartarput, tamannalu atuisunut assut iluaqutaasutut isigineqar-luni. Universitetip uuliasiornermik suliffissuaqarnermik suleqateqarnera tikeraat malitassaqqittutut isigaat. Universitetip tungaaniit nunatsinni ilinniarfimmu attaveqaatinik pilersitsinissaaq soqutigaa minnerunngitsumik ilinniar-tunik paarlaasseqatigiittarnissaaq eqqarsaatigalugu.



**Sassartitsinerit:**

14. september: Kalaallit Nunaanni Aningaasaqarnermut Siunnersuisoqatigiit sassartinneqarnerat.

*Aningaasaqarnermut Ataatsimiititaliaq aamma Akileraartarnermut Akitsuusiisarnermullu Ataatsimiititaliaq Aningaasaqarnermut Akileraartarnermullu Ataatsimiititaliamik taaguuteqalerlutik 16. september ataatsimoortinneqarput.*

## Aningaasaqarnermut Akileraartarnermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	-	-	-	2.645

*Aningaasaqarnermut Ataatsimiititaliaq aamma Akileraartarnermut Akitsuusiisarnermullu Ataatsimiititaliaq Aningaasaqarnermut Akileraartarnermullu Ataatsimiititaliamik taaguuteqalerlutik 16. september ataatsimoortinneqarput.*

**Naalakkersuisunik apersuinerit:**

24.oktober: Aningaasaqarnermut Naalakkersuisumik, Ilaqutariinnermut, Kultureqarnermut Naligiissitaanermullu Naalakkersuisumik aamma Peqqissutsimut Naalakkersuisumik apersuineq.

26. oktober: Inuusutissarsiornermut Aatsitassarsiornermullu Naalakkersuisumik apersuineq.

27. oktober: Ilinniartitaanermut, Ilisimatusarnermut Nunanullu Avannarlernut Suleqateqarnermut Naalakkersuisumik aamma Aalisarnermut, Piniarnermut Nunalerinerimullu Naalakkersuisumik apersuineq.

**Sassartitsinerit:**

10. oktober: KANUKOKA-mit sassartitat.

## Inatsisinut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	199.397	109.575	164.204	193.922

**Paasisassarsiorluni angalanerit ataatsimiinnerillu:**

18. marts: Inatsisartut Ombudsmandiannik paasisutissiiviusumik ataatsimeeqateqarneq.

Ataatsimiinnermi Inatsisinut Ataatsimiititaliap Inatsisartullu Ombudsmandiata akunnerminni ataqatigiinnerat aamma nuna tamakkerlugu pinaveersaartitsisutut Ombudsmandip atuuffeqarnera aallaavigalugu inuit pisinnaatitaaffi pillugit ilisimatusarfimmik suleqateqarnera ilaatigut sammineqarput.

05. - 12. december: Ataatsimiititaliap paasisassarsiorluni Savalimmiuni Thorshavnimut angalanera.

Thorshavnimi Lagtingip Eqqartuussiveqarnermut Ataatsimiititaliaa, Nunap Naalakkersuinikkut aqqissuussaananeranut tunngasunut Ataatsimiititaliaq kiisalu politiit ataatsimiititaliap ataatsimeeqatigai. Pilersaarutit malillugit paarnaarussivimmik kiisalu Kalaallit peqatigiiffiannut pulaarnissat, silamik pissuteqartumik taamaatinneqarput.

Københavni Folketingip Ombudsmandia atuuffimmit tunuartoq kiisalu Kalaallit Illuutaanni, Danmarkimi pineqaattissinneqarlutik inissitaqqasunik oqaloqatiginnittarnernik aqqissuisartuusut ataatsimeeqatigineqarput.

Oktober: Kanukokamit Kanunupemillu aallartitat ataatsimiititaliamit ataatsimeeqatigineqarput.

Oktober: Inatsisartut Ombudsmandianik ataatsimeeqateqarneq.

**Apersuinerit:**

30. maj: Nunamut namminerimut, Pinngortitamut Avatangiisinullu Naalakkersuisup apersorneqarnera.

*Ulloq 16. september Nunami namminerimut pissutsit pillugit Ataatsimiititaliaq Inatsisinullu Ataatsimiititaliaq ataatsimuulersillugit kattutsinneqarput.*

## Kukkunersiuinermut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	714.474	82.817	207.986	72.872

### Paasisassarsiorluni angalanerit ataatsimiinnerillu:

25. aamma 26. maj: Kukkunersuiusumik avataaneersumik peqateqarluni nunatta karsiata naatsorsuutai pillugit Nuummi isumasioqatigiinneq.

### Apersuinerit:

1. juni: Naalakkersuisut Siulittaasuata apersorneqarnera.

## Nunanut allanut Sillimaniarnermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	399.916	0	176.193	524.685

### Paasisassarsiorluni angalanerit ataatsimiinnerillu:

26. januar - 7. februar: Canadami Nunavummut paasisassarsiorluni angalaneq

Angalanerup siunertaraa Canada avannaqullugu imaatigut aqqut, nunat tamalaat imartaat, Tartupaluk inatsisartuti-goortumillu suleqatigiinnerup nukittorsarneqarsinnaanera pillugu Nunavummi naalakkersuinikkut ingerlatsineq pillugu paasisutissanik katersinissaq. Taamatutaaq ICC Canada Canadamilu naggueqatitta suleqatigiiffiat Inuit Tapiriit Kanami ataatsimeeqatigineqarput.

Sila pissutaalluni ataatsimiititaliap siulittaasua angalanermut peqataanngitsoorpoq. Ataatsimiititaliamut ilaasortat allat marluk piffissami tassani ataatsimiititaliani allani susassaqarmata angalanermut ataatsimiititaliamut ilaasortat marluinnaat peqataapput.

18. oktober: Danskit illersornissamut pisortaannik Knud Bartelsimik ataatsimeeqateqarneq.

5. -9. december: Dansk Institut for Internationale Studier, Nunat Avannarliit Siunnersuisioqatigiiffianni, Issittumut Siunnersuisoqatigiit, Geologiske Undersøgelser for Danmark og Grønlandimi, Folketingip nunanut allanut ataatsimiititaliaata, illersornissamut ataatsimiititaliaata, nunanut allanut tunngasumik aalajangiisartuisa aamma Kalaallit Nunaanut tunngasumik ataatsimiititaliaata sinniisuinik ataatsimeeqateqarneq.

### Apersuinerit:

10. februar: Naalakkersuisut siulittaasuannik apersuineq.

22. marts: Nunami Namminermi Pissutsinut, Pinngortitamut Avatangiisinullu Naalakkersuisumik aamma Peqqissutsimik Naalakkersuisumik apersuineq.

24. marts: Naalakkersuisut siulittaasuannik apersuineq.

14. oktober: CIA-p tigusanik nunatta silaannartaatigut isertortumik timmisartuussisarsimanera aammalu nunatsinni timmisartoqarfinnik atuisimanera pillugu arlaannaannulluunniit attuumassuteqanngitsumit misissuinissamik apeqqummut danskit Naalakkersuisortaavisa isummaminnik allannguinerat pillugu Naalakkersuisut siulittaasuannik apersuineq.

## Qinigaanerup misilinneqarnissaanut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	0	0	0	0

Nutaamik qinersisoqarsimaneranut atatillugu qinigaanerup misilinneqarnissaanut ataatsimiititaliaagallartumik Inatsisartunut sivisunerpaamik ilaasortaasimasumik taassumalu toqqagaanik sisamanik ilaasortaartumik pilersitsisoqartarpoq. Inatsisartut inissitsiterlutik ataatsimiinneri tamaasa aammalu Inatsisartut ukiuata aallartinneri tamaasa Inatsisartut qinigaanerup misilinneqarnissaanut ataatsimiititaliamik nutaamik pilersitsisarput. Ataatsimiititaliaq Inatsisartunut Naalakkersuisunullu ilaasortat qinigaasinnaanerata pillugu inassuteqartarpoq.

## Sanaartornermut Avatangiisinullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	-	-	-	93.565

*Eqqissimatitsinermit Avatangiisinullu Ataatsimiititaliaq aamma Attaveqaqatigiinnermit Ineqarnermullu Ataatsimiititaliaq 16. september kattupput tassaalerpullu Sanaartornermut Avatangiisinullu Ataatsimiititaliaq.*

### Paasisassarsiorluni angalanerit ataatsimiinnerillu:

23. september: Aningaasaqarnermut Akilerartarnermullu ataatsimiititaliaq peqatigalugu Air Greenlandimik ataatsimeeqateqarnek.

26. september: Assartuussineq pillugu Isumalioqatigiissitap inassutai aamma Attaveqaqatigiinnermit Ineqarnermullu Ataatsimiititaliap Kujataani angalanerani paasisai pillugit Ineqarnermut, Attaveqarnermut Angallanermullu Naalakkersuisumik paasissutissiilluni ataatsimeeqateqarnek.

3. amma 14. oktober: Avatangiisit innarlitsaaliorneqarnissaannik inatsisissatut siunnersuut pillugu Nunamut namminermut, Pinngortitamut Avatangiisinullu Naalakkersuisumik paasissutissiiffiusumik ataatsimeeqateqarnek.

5. - 9. december: Ataatsimiititaliap Sisimiunut angalanera.

Sanaartornermut tunngassuteqartut angalanermit pingaarnertut sammeneqarput. Sanaartoriaasit assigiinngitsut (suliassat immikkoortiterlugit sanaartortitsineq aamma suliassanik ataatsimut sanaartortitsineq) kiisalu ininik sanaartornermilu aningaasalersuineq isiginiarneqassasut ilaatigut Ataatsimiititaliamit kissaatigineqarpoq. Taamaattorli eqqagassalerinermit, avatangiisinik eriaginninnermit aamma teknologiit CO<sub>2</sub>-mik aniatitsinermik annikilliliissutaasut pillugit peqatigitillugu sammeneqassasut Ataatsimiititaliap kissaatigaa. Angalanermit Ataatsimiititaliap uku ataatsimeeqatigai: Nukissiorfiit, INI A/S, Grønlandsbanken, Qeqqata Kommuniiani kommunalbestyrelsi kiisalu sanaartornermik suliaqarnermi sinniisut assigiinngitsut. Ilanngullugit Center for Arktisk Teknologi, Sanaartornermik Ilinniarfik aamma Ingeniørinnigorniarfik pulaarneqarput.

### Sassartitsinerit:

30. september: Islandimioq filmiliornermi ilitsersuisartoq Islandimi Alcoa pillugu sammisaqarsimasoq Inuussutissarsiornermut Ataatsimiititaliaq peqatigalugu sassartinneqarpoq.

13. oktober: Det Europæiske Miljøagenturip avatangiisinut akileraarutit, aatsitassarsiorneq aamma eqqagassalereri-aasit pillugit nunanit allanit misilittagai pillugit Det Europæiske Miljøagenturimit sinniisooq Prof. MCGlade sassartinneqarpoq.

## Nunatsinni aluminiumik aatsitsiviliorsinnaaneq pillugu ataatsimiititaliaagallartoq

Ataatsimiititaliap aningaasartuutai kr.	2008	2009	2010	2011
kr.	304.975	94.149	0	0

### Paasisassarsiorluni angalanerit ataatsimiinnerillu:

7. marts: Suliniutip killiffia pillugu Naalakkersuisut Siulittaasuannik, Ineqarnermut, Attaveqarnermut Angallannermullu Naalakkersuisumik aamma Inuussutissarsiornermut Aatsitassanullu Naalakkersuisumik ataatsimeeqateqarneq.

*Nunatsinni aluminiumik aatsitsiviliorsinnaaneq pillugu ataatsimiititaliaagallartoq Aatsitassanullu Ataatsimiititaliaq 16. september atuutilersumik kattupput Inuussutissarsiornermut Ataatsimiititaliaalerlutik.*

## Inuussutissarsiornermut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	2.588	114.844	238.887	279.054

*Nunatsinni aluminiumik aatsitsiviliorsinnaaneq pillugu ataatsimiititaliaagallartoq Aatsitassanullu Ataatsimiititaliaq 16. september atuutilersumik kattupput Inuussutissarsiornermut Ataatsimiititaliaalerlutik.*

### Paasisassarsiorluni angalanerit ataatsimiinnerillu:

21. - 31. januar: Aningaasaqarnermut Ataatsimiititaliaq ilagalugu Skotlandimut paasisassarsiorneq.

Tamanna pillugu paasisutissat sukumiinerusut Aningaasaqarnermut Ataatsimiititaliap ataani takuneqarsinnaapput.

### Apersuinerit:

30. september: Inuussutissarsuiteqarnermut Aatsitassarsiornermullu Naalakkersuisup apersorneqarnera.

7. oktober: Aningaasaqarnermut Naalakkersuisup apersorneqarnera.

### Sassartitsinerit:

30. september: Sanaartornermut Avatangiisinullu Ataatsimiititaliaq peqatigalugu Islandimi filmiliornermi ilitsersuisar-tunik Islandimi Alcoamut tunngassutilinnik suliaqarsimasumik sassartitsineq.

## Ilaqtariinnermut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	203.289	177.167	167.508	157.289

### Paasisassarsiorluni angalanerit ataatsimiinnerillu:

4.-12. august: Nunami namminermi pissutsit pillugit Ataatsimiititaliaq peqatigalugu Qaasuitsup Kommuneanut paasi-sassarsiorluni angalaneq.

Nunami namminermi pissutsit pillugit Ataatsimiititaliap ataani tamanna pillugu paasisutissat sukumiinerusut takune-qarsinnaapput.

11.-13. september: Ataatsimiititaliap sinniisuutitai imigassaq pillugu isumasioqatigiinnermut peqataapput.

18. marts: Pisortanit ikiorsiissutit pillugit sinnersuutit maleruagassallu pillugit KANUKOKA-mik ataatsimeeqateqarneq.

**Apersuinerit:**

18. marts: Pisortanit ikiorsisarnermi maleruagassat pillugit Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisup apersorneqarnera.

29. april aamma 8. maj: Ulloq unnarlu paaqqinnittarfik Tugdlik pillugu Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisup apersorneqarnera.

*Ilaqutariinnermut Ataatsimiititaliaq aamma Peqqissutsimut Ataatsimiititaliaq ulloq 16. september aallarnerfigalugu Ilaqutariinnermut Peqqissutsimullu Ataatsimiititaliatut kattunneqarput.*

## Ilaqutariinnermut Peqqissutsimullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	-	-	-	5.496

*Ilaqutariinnermut Ataatsimiititaliaq aamma Peqqissutsimut Ataatsimiititaliaq ulloq 16. september aallarnerfigalugu Ilaqutariinnermut Peqqissutsimullu Ataatsimiititaliatut kattunneqarput.*

**Paasisassarsiorluni angalanerit ataatsimiinnerillu:**

10. november: MIPI-mit sinniisuutit peqatigalugit ataatsimiinneq.

Naalakkersuisunut ilaasortat pingasut ilisimatitsiffiusumik ataatsimeeqatiginerat.

## Aalisarnermut, Piniarnermut Nunalerinermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	58.168	40.948	145.132	107.549

**Paasisassarsiorluni angalanerit ataatsimiinnerillu:**

2. - 7. februar: Ataatsimiititaliap Ilulissanut Oqaatsunullu angalanera, tassani aalisakkat akii pillugit isumasioqatigiinnermi Destination Avannaa-nit aaqqissuunneqartumi Ataatsimiititaliami sinniisut peqataapput.

Ilulissani isumasioqatigiinnermi Ilulissani aalisarnermik piniarnermillu pissutsinut maanna pisunut malinnaanissamut Ataatsimiititaliaq aamma periarfissinneqarpoq.

18. marts aamma 24. oktober: Aalisarneq pillugu inatsisip allanngortinnissaanut siunnersuutit pillugit Naalakkersuisunut ilaasortaq Ane Hansen paasisutissiinermik ataatsimeeqatigineqarpoq.

14. april, 10. oktober aamma 3. november: Pinngortitaleriffimmi paasisutissiinermik ataatsimeeqatigiinnerit.

19. maj: EU-Parlamentimi ilaasortanik ataatsimeeqateqarneq.

13. oktober: Aalisarneq pillugu inatsisip allanngortinnissaanut siunnersuutit pillugit KNAPK paasisutissiinermik ataatsimeeqatigineqarpoq.

**Apersuinerit:**

1. februar: Qilalukkat qaqortat qernertallu pillugit Aalisarnermut, Piniarnermut Nunalerinermullu Naalakkersuisoq apersorneqarpoq.

12. april aamma 2. november: Aalisarneq pillugu inatsisip allanngortinnissaanut siunnersuutit pillugit Aalisarnermut, Piniarnermut Nunalerinermullu Naalakkersuisoq apersorneqarpoq.



## Aalisarnermut inatsit nutaaq

Sukisaarsaatigalugu aalisartunik aalisartitsinermit akuersissuteqartarneq pillugu inatsisissaq nutaaq, Aalisarnermut aningaasaliissutinut immikkoortitat pillugit inatsisip allangortinnissaanut siunnersuut aamma pisassiisutit qaffasinnerpaaffissaannut kiisalu inuussutissarsiutigalugu aalisarnertuunermit isertitat minnerpaamik 50 %-iinissaannik piimasaqaatip atortunnaarsinneqarnissaanut Aalisarneq pillugu Inatsisip allangortinnissaanut siunnersuutit 2011-mi pingaarnertut suliarineqarsimapput.

Pingortitaleriffiup pisassiisutissatut siunnersuutit nalunaarutai kiisalu tamatumani misissuinernut periaatsinullu tunngasut Ataatsimiititaliap aamma ingerlaavartumik paasissaqarfigisarsimavai.

## Eqqissimatitsinermit Avatangiisinullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	72.901	27.992	105.890	178.071

### Paasisassarsiorluni angalanerit ataatsimiinnerillu:

19. januar: Immami miluumasut piniagaanerat pillugu Folketingimi ataatsimeersuartitsinermit Ataatsimiititaliaq ataatsimik sinniisuutitaqarpoq. Ataatsimeersuarneq taaneqarsimavoq "Bæredygtighed eller barbari".

31. januar – 2. februar: Piujuartitsineq tunngavigalugu aaqqiinerit pillugit Finlandimi Åbomi nunat tamalaat ataatsimeersuarneranni Ataatsimiititaliaq sinniisuutitaqarpoq.

30. april – 1. maj: Uuliasiorneq pillugu ulluni marlunni Sisimiuni ataatsimeersuarnermi peqataaneq.

28. februar: Avatangiisit pillugit suliniaqatigiiffik Avataq ataatsimeeqatigineqarpoq.

28. februar: Nunatta Katersugaasivia Allagaateqarfialu sumiiffiit Alcoamit atorneqarniartut pillugit ataatsimeeqatigineqarpoq.

28. februar: Nunatta Katersugaasivia Allagaateqarfialu illut eqqissimatitassat eriagisassallu pillugit ataatsimeeqatigineqarpoq.

7. marts: Nunanut allanut Sillimaniarnermullu Ataatsimiititaliaq ataatsimeeqatigineqarpoq.

14. marts: Pingortitaleriffimmi paasissutissiinermit ataatsimeeqatigiinneq.

5. maj: Nuuk Imeq ataatsimeeqatigineqarpoq.

14. september: Eqqagassat pillugit iliuusissatut pilersaarutip killiffia aamma avatangiisinut ajornartorsiutit assigiingitsut pillugit Nunamut namminermit, Pingortitamut Avatangiisinullu Naalackersuisumik paasissutissiinermit ataatsimeeqateqarneq.

### Apersuineq:

23. juni: Uuliasiornermi avatangiisinut ajornartorsiutit pillugit Inuussutissarsiornermit Naalackersuisumik apersuineq.

*Eqqissimatitsinermit Avatangiisinullu Ataatsimiititaliaq aamma Attaveqaqatigiinnermit Ineqarnermullu Ataatsimiititaliaq 16. september kattupput tassaalerpullu Sanaartornermit Avatangiisinullu Ataatsimiititaliaq.*

## Nunami namminermi pissutsinut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	Ikke oprettet	0	0	116.763

### Paasisassarsiorluni angalanerit ataatsimiinnerillu:

7. april: Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq peqatigalugu siunnersuisarfiitt PPR-it (inunnik ataasiakkaanik tarnikkut siunnersuisartunit) kommuninit tamaneersut aallartitaannik ataatsimeeqateqarneq. Siunnersuisartut PPR-it suliaasa killiffii pillugit, kiisalu siunnersuisartoqarnerup PPR-ip kommuninut tunniunneqarnera pillugu ataatsimiititaliat paasisutissinneqarnissaat ataatsimiinnerup siunertaraa.

4. - 12. august: Ilaqutariinnermut Ataatsimiititaliaq peqatigalugu Qaasuitsup kommunianut paasisassarsiorluni angalanerit. Angalanerit illoqarfiit nunaqarfiillu ukuu ataatsimiititalianit tikiqqarneqarput: Ilulissat, Qeqertarsuaq, Uummannaq, Ikerasak, Saattut, Ukkusissat, Nuugaatsiaq, Illorsuit, Niaqornat kiisalu Qaarsut. Tikitanit pissutsit pillugit ataatsimiititaliat paasisaqarnissaat angalanerit siunertaavoq, ilaatigut piffinni politikerit, nunaqarfinni aqutsisut aamma kommunini ingerlatsiviit ataatsimeeqatigineqarput.

*Ulloq 16. september Nunami namminermi pissutsit pillugit Ataatsimiititaliaq Inatsisinullu Ataatsimiititaliaq ataatsimulersillugit kattunneqarput.*

## Attaveqarnermut Ineqarnermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	20.115	0	9.520	135.903

### Paasisassarsiorluni angalanerit ataatsimiinnerillu:

23. februar: "Seminar Cruise Greenland"-imik taallugu isumasioqatigiinnerup ilaanut peqataaneq. Tassani ataatsimiititaliaq takornariartitsinermik inuussutissarsiutillit sulinerminni attaveqaatitigut angallannikkullu unammilligassaannik ilisimatinneqarpoq.

7. april: Mittarfeqarfinnik ataatsimeeqateqarneq. Nuup mittarfiani ulloq 4. martsd pisoq aallaavigalugu ajutoortoqartillugu upalungaarsimanerit pilersaarutit pillugit ilisimatinneqarnissani ataatsimiititaliap kissaatigisimavaa.

1. - 8. september: Nunatta Kujataanut ataatsimiititaliap angalanerit:

Angalanerup siunertaraa Assartuinnermut Isumalioqatigiissitap isumaliutissiissutaa aallaavigalugu nunatta Kujataani siunissami angallannikkut aqqissuussinerup ilusissaata susasaqartunut oqaloqatiginnissutiginnissaa. Ataatsimiititaliaq ilaatigut Kommune Kujallerit inuussutissarsiornermut ataatsimiititaliamik, Mittarfeqarfinnik, RAL-imik, takornariaqarnerup angallannerullu iluani ingerlatsisunik kiisalu inuussutissarsiorneq pillugu siunnersuisoqatigiinnik inuussutissarsiornermillu ingerlataqartunik ataatsimeeqateqarpoq. Angalanermini ataatsimiititaliaq Qaqortumi 6. september isumasioqatigiinnermi ima qulequtaqartumi "Kujataani ineriartorneq qaffakkiartornerlu - Kujataata Aalborgillu akornanni toqqaannartumik timmisartuussisalernikkut inuussutissarsiornermut periarfissat" peqataavoq.

*Attaveqarnermut, Angallannerit Ineqarnermullu Ataatsimiititaliaq aamma Eqqissisimatitsinermut Avatangiisinullu Ataatsimiititaliaq 16. september aallartittumik Sanaartornermut Avatangiisinullu Ataatsimiititaliamut kattunneqarput.*

## Aatsitassanut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	0	0	0	92.437

2011-mi aningaasartuutit 2010-p naalernerani angalanermut tunngapput.

*Ataatsimiititaliaq 2011-mi ataasiaannarluni ataatsimiippoq. Aatsitassanut Ataatsimiititaliaq 16. september atuutilersumik Inuussutissarsionermut Ataatsimiititaliamut kattunneqarpoq.*

## Akilerartarnermut Akitsuusiisarnermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	880	0	105.928	5.292

**Paasisassarsiorluni angalanerit ataatsimiinnerillu:**

31. marts: KANUKOKA-mik ataatsimeeqateqarneq.

**Apersuinerit:**

28. marts: Aningaasaqarnermut Naalackersuisumik apersuineq.

12. april: Aningaasaqarnermut Naalackersuisumik apersuineq.

*Aningaasaqarnermut Ataatsimiititaliaq aamma Akilerartarnermut Akitsuusiisarnermullu Ataatsimiititaliaq Aningaasaqarnermut Akilerartarnermullu Ataatsimiititaliamik taaguuteqalerlutik 16. september ataatsimoortinneqarput.*

## Peqqissutsimut Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	300.041	3.298	188.252	178.255

**Paasisassarsiorluni angalanerit ataatsimiinnerillu:**

21. marts: Peqqinnissaqarnikkut suliniutit assigiinngitsut, ineriartorneq kiisalu peqqinnissaqarfik ataatsimut isigalugu pissutsit pillugit Peqqissutsimut Naalackersuisumik isumasioqateqarneq.

28. maj-4. juni: Ataatsimiititaliap Tasiilamut paasisassarsiorluni angalanera.

Angalanerup siunertaraa sumiiffinni avinngarusimasuni aamma Kuummiuni peqqinnissaqarfiup atorneqarnerata/qanoq ingerlanerata paasisaqarfiginissaa. Sumiiffimmi peqqinnissaqarfiup sulinerani atugassarititaasut pillugit paasisutis-sinneqarnerup saniatigut innuttaasunik ataatsimiisitsinissamat piffisaliisoqarsimavoq, ataatsimiititaliallu suliassaqar-fini, atuuffini assigisaallu tassani ilisimatitsissutigai.

22. august: Avanersuarmi innuttaasut peqqissusaannik misissuineq pillugu Peqqissutsimut Naalackersuisoq peqatigalugu paasisutissiiffiusumik ataatsimiinneq.

11.-13. september: Imigassaq pillugu isumasioqatigiinnermut, Peqqissutsimut Naalackersuisoqarfimmit aqqissuunneqartumut peqataaneq.

**Sassartitsinerit:**

24. februar: Nuummi allatut katsorsaariaasilinnik sassartitsineq.

25. februar: Atuarfimmi timersorneq/ Kim Godtfredsen pillugu siunnersuisarfimmik namminersortumik sassartitsineq.

*Ilaqtariinnermut Ataatsimiititaliaq aamma Peqqissutsimut Ataatsimiititaliaq ulloq 16. september aallarnerfigalugu Ilaqtariinnermut Peqqissutsimullu Ataatsimiititaliatut inissinneqarpoq.*

## Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq

Ataatsimiititaliap aningaasartuutai kr.	2008	2009	2010	2011
kr.	47.149	154.075	104.317	3.259

### Paasisassarsiorluni angalanerit ataatsimiinnerillu:

25-26. januar: Ilulissani ilinniartitaanikkut suliniut "Siunissaq Pilersiguk" pillugu ataatsimeersuarnermi peqataaneq. Ilinniartitaanerup immikkut suliniuteqarfigineqarnerani immikkoortup aappaata 2012-ip kingorna qanoq ilusilersorneqarnissaa pillugu arlalinnik kaammattuuteqarnissaaq, tassanilu sullissisut politikerillu peqataapput.

28. februar: Nunatta Katersugaasivianut Eqqissisimatitsinermit Avatangiisinullu Ataatsimiititaliaq peqatigalugu paasisassarsiorluni pulaarneq, pulaarnermi ataatsimiititaliat Kalaallit Nunaanni illut eqqissisimatinneqartussat pillugit sulianik ilisimatinneqarput.

21. marts: Ilageeqarnermut inatsit nutaaq pillugu kiisalu ilageeqarnermit paasisutissat pillugit Biskoppip ataatsimeeqatigineqarnera.

23. marts: Ilisimatusarfimmi Siulersuisut nalinginnaasumik ilisimatitsiffiusumik ataatsimeeqatiginerat.

25. marts: Nuummi Ilagiit Sinniisaat ilageeqarnermut inatsit nutaaq kiisalu ilageeqarnermit paasisutissat pillugit ataatsimeeqatigineqarnerat.

28. marts: Ungasianit ilinniartitsinermi misilittagaalersut pillugit Sermersup Kommuniata ataatsimeeqatigineqarnera.

29. marts: SORLAK-ip ilisimatitsiffiusumik ataatsimeeqatiginerat.

4. april: Ilisimatitseqatigiinnermik IMAK-mik ataatsimeeqateqarneq.

7. april: Kommunit tamarmiusut PPR-annit (inunnik ataasiakkaanik tarnikkut siunnersuisartut) aallartitaannik kiisalu Nunamut Namminermit Ataatsimiititaliamik ataatsimeeqateqarneq. Ataatsiminnermi siunertarineqarpoq PPR-ip killiffianik kiisalu PPR-ip kommuninut nuunneqarneranik ataatsimiititalianut ilisimatitsinissaaq.

26. juni: Naatsorsueqqissaartarfiup isumasioqatigineqarnera, meeqqat atuarfiani killiffik pineqarluni.


7. oktober: Pissutsit atuuttut pillugit ilisimatitsilluni ataatsimiinnissamut IMAK-imit qaaqqusaaneq

20. oktober: GU-mik iluarsaaqqinnerup piviusunnigortinneqarneranut atatillugu GU-mi qullersanik kiisalu Nuummi/ Qeqqani Ilinniarnertuunngorniarfimmi ilinniartitsisunik siunnersortinik ilisimatitsiffiusumik ataatsimeeqateqarneq.

1. november: KNR-mi siulersuisut ilisimatitsilluni KNR-ip ingerlanneqarnera, suliai aamma tamanut tusagassiorfittut suleriaasaa pillugit ataatsimeeqatigineri kiisalu KNR-ip illutaanik takornariartinneqarneq.

### Apersuinerit:

14. november: Kultureqarnermut Naalakkersuisup apersorneqarnera.



Nunat Avannarliit Killiit pingasut aallartitaasa siulittaasui:  
Ólína Þorvarðardóttir Islandimeersoq, Kári P. Højgaard Savalimmiuneersoq aamma Josef Motzfeldt  
Kalaallit Nunaanneersoq.



# 14 Nunat Avannarliit Killiit aamma Nunat Avannarliit Siunnersuisoqatigiiffianni ingerlatat

## Nunat Avannarliit Killiit Siunnersuisoqatigiiffiat

Ilaasortat angalanernut atugaat	2008	2009	2010	2011
kr.	341.741	476.047	416.727	630.444

Nunat Avannarliit Killiit Siunnersuisoqatigiiffiat nunat avannarliit killiit pingasut Kalaallit Nunaata, Islandip Savalimmi-ullu akornanni inatsisartutigoortumik suleqatigiiffiuvoq, Kalaallit Nunaanni Inatsisartut, Islandimi Altingip Savalimmiunilu Lagtingip sinniisaannit aallartitaqarfiusoq. Aallartitat tamarmik arfinilinnik ilaasortaqrput. Nunat ataasiakkaat tamarmik aallartitaasa akornannit toqqakkamik ataatsimik ilaasortaqtumik pingasunik ilaasortalimmik Siunnersuisoqatigiiffik siulittaasoqarfeqarpoq.

Nunat Avannarliit Killiit Siunnersuisoqatigiiffianni 2011-mi inatsisartutigoortumik sulineq	Siulittaasoqarfiup ataatsimiinneri	Aallartitat ataatsimiinneri	Siunnersuisoqatigiiffiup ataatsimiinneri
	4	4	2

- 21. februar Siulittaasoqarfiup Tromsømi Norgemiittumi ataatsimiinnera.
- 22.-23. februar Siulittaasoqarfiup Tromsømi Norgemiittumi inatsisartut suliaannut tunngasut pillugit ataatsimeersuarnera.
- 14. marts Aallartitat Nuummi ataatsimiinnerat.
- 18. maj Siulittaasoqarfiup Nuummi ataatsimiinnera.
- 19.-21. maj Siulittaasoqarfiup EU-mi inatsisartunik Nuummi ataatsimeeqateqarnera.
- 1. juni Aallartitat Nuummi ataatsimiinnerat.
- 4.-9. juni Nunani avannarlerni killerni siunissami utoqqaat najugassaat pillugit Thorshavnimi Savalimmiuniittumi ataatsimeersuarneq.
- 17. august Aallartitat Nuummi ataatsimiinnerat.
- 22. august Siulittaasoqarfiup Bifrostimi Islandimiittumi ataatsimiinnera.
- 24. august Aallartitat Hoyvikkimi ataatsimiittaliat aappassaaneerlutik ataatsimiinneranni malinnaallutik peqataanerat.
- 23.-25. august Nunat Avannarliit Killiit Siunnersuisoqatigiiffiata Bifröstimi Islandimiittumi ukiumoortumik ataatsimiinnera.
- 31. oktober Nunat Avannarliit Siunnersuisoqatigiiffiata Københavnimi ataatsimiinnerata nalaani siulittaasoqarfiup peqataanera.
- 1.-4. oktober Nunat Avannarliit Siunnersuisoqatigiiffiata Københavnimi ataatsimiinnerata nalaani siulittaasoqarfiup peqataanera.

## Nunat Avannarliit Killiit Siunnersuisoqatigiiffianni Siulittaasoqar-fiup Tromsømi ataatsimiinnera

Ulloq 7. juni nunani avannarlerni killerni siunnessami utoqqaat najugassaat pillugit aaqqiissutissat kiisalu ulloq 9. juni, Atlantikup avannaata imartaani sillimaniarneq sammisaralugit ataatsimiinnissat pilersaarusionerqarnerannut atatillugu Nunat Avannarliit Killiit Siunnersuisoqatigiiffianni siulittaasut, tassaasut siulittaasoq Olina Porvadottir Islandimeersoq, Kari P. Højgaard Savalimmiunersooq aamma Josef Motzfeldt Kalaallit Nunaanneersoq, inatsisartunik peqataaffigineqartumik Tromsømi ataatsimeersuarnermi 22.-23 februar ingerlanneqartumi 2011-imi siullermeerlutik ataatsimiipput.

## Nunat Avannarliit Killiit Siunnersuisoqatigiiffianni Siulittaasoqar-fiup EU-mi inatsisartunik Nuummi ataatsimeeqateqarnera

Nunat Avannarliit Killiit Siunnersuisoqatigiiffiata Siulittaasoqarfiata aappassaaneerluni ataatsimiinneranut Nuummi 18. majimi ingerlanneqartumut atatillugu Nunani Avannarlerni Killerni Siunnersuisoqatigiit Siulittaasoqarfia EU-mi inatsisartunik tallimanik tikeraarteqarpoq, tassanilu Nunat Avannarliit Killiit Siunnersuisoqatigiiffiat aamma EU pingajussaaneerlutik inatsisartutigoortumik ataatsimiipput. Ataatsimiittarfiup nutarterneqarnera pissutigalugu kommunep ataatsimiittarfiani ataatsimiinneq ingerlanneqarpoq.

EU-mi inatsisartut Nuummut tikeraarnerisa nalaani Siulittaasoqarfiup arlaleriarlugit ataatsimeeqatigai, ilaatigut Naalakkersuisut Siulittaasuat, Aalisarnermut, Piniarnermut Nunalerinermullu Naalakkersuisoq kiisalu Inuusutissarsionermut Aatsitassarsionermullu Naalakkersuisoq ataatsimeeqatigineqarlutik. Taakkualu saniatigut Aatsitassanut Ataatsimiititaliaq, Aalisarnermut Ataatsimiititaliaq, ICC aamma Greenland Development A/S ataatsimeeqatigineqarput.

Puisit amiinik EU-mut eqqusseqqusiunnaarnerup Kalaallit Nunaanni piniartunut aningaasatigut sunniutaai aamalu Inuit eqqusseqqusiunnaarnermi ilaatinneqannginnerisa pitsaasumik kinguneqarsimanginnera pillugit tusarniaanermik ingerlatsinissaq sulissutigilersaaritsik EU-mi inatsisartunit pingaarnertut oqariartuutigineqarpoq.

EU-mit aallartitat tassaapput: Aallartitat aqutsisuat, ilaatigut EU-mi aalisarnermut ataatsimiititaliamut ilaasortaasoq Mr. Pat the Cope Gallagher (Irland), Mr. Petru Luhan, ilaatigut EU-mi Nunat immikkoortuini ineriartortitsinermut ataatsimiititaliami ilaasortaasoq (Rumænien), Ms Zuzanna Brzobohata, ilaatigut EU-mi Nunat immikkoortuini ineriartortitsinermut ataatsimiititaliami ilaasortaasoq (Tjekkisk Republik), Mr. Alyn Smith, ilaatigut EU-mi Nunalerinermut aamma Nunat immikkoortuini ineriartortitsinermut ataatsimiititaliami ilaasortaasoq (England), kiisalu Ms Sabine Wils, ilaatigut EU-mi Avatangiisinut, Peqqinnissaqarnermut aamma Inuusutissatigut Isumannaallisaanermut Ataatsimiititaliamut ilaasortaasoq (Tyskland).

## Nunat Avannarliit Killiit Siunnersuisoqatigiiffiata kaammattuutitut aalangersagaasa 2010-meersut UPA11-mi suliarineqarnerat

Inatsisartut 2011-mi upernaakkut ataatsimiinneranni Nunat Avannarliit Killiit Siunnersuisoqatigiiffianni aallartitat kaammattuutit tallimanik Inatsisartunut saqqummiussipput. Kaammattuutit sisamat akuersissutigineqarput, ukunungalu tunngassuteqarlutik: Nunani avannarlerni killerni radiokkut suleqatigiinneq, ataatsimut aalisagaqassutimik ingerlatsineq pillugu suleqatigiinnermik aallartitsineq, nunat avannarliit killiit aaqqissuussaanerannik nukittorsaneq kiisalu nunani avannarlerni killerni kisimiillutik pilersuisunut atugassarititaasut pitsanngorsaavigineqarnissaat. Siunnersuutit tallimaat ilisimasaniq siammarterivimmik, nunat avannarliit oqaluttuassartaat pillugit ilisimatusarnermut atornerqartussamik pilersitsinissamut tunngasoq UKA11-mi aappassaaniigassanngorlugu kinguartinneqartoq Kalaallit Nunaannit itigartitsissutigineqarpoq.

## Savalimmiuni aalajangersimasumik sammisaqarluni ataatsimeersuarneq

Nunat Avannarliit Killiit Siunnersuisoqatigiivisa aalajangersimasumik ukiumoortumik sammisaqarlutik ataatsimeersuarnertik Savalimmiuni piffissami 7. -9. juni siunissami Nunani avannarlerni killerni utoqqaat najugaqarfii sammisaralugit ingerlappaat. Kalaallit Nunaannit peqataavoq illussanik titartaasarfimmi Qarsumi pisortaasoq, Johan Rosbach, siunissami Kalaallit Nunaanni utoqqaat najugaasa qanoq nutaamik ilusilersorneqarsinnaaneratt pillugu siunnersuut ajugaassutigisimasartik saqqummiukkiartorlugu. Utoqqaat peqatigiiffiat Utoqqaat Nipaata sinnerlugu peqataasoq, siulittaasoq Magnus Therkelsen, utoqqaat najukkatik pillugit neriuutaasa suunerinik saqqummiussaqqarpoq. Utoqqaat Nipaata siulittaasuata siunissami utoqqarnut najugaqarfinnik sanaartornissaq pillugu naalakkersuinikkut aalajangiussassanik suliaqarnerni, utoqqaat annertunerusumik peqataatinneqarnissaminnik kissaateqarnerat ersarissoq, soorluttaaq Kalaallit Nunaanni meeqqat pisinnaatitaaffii pillugit inatsiseqarnera assigalugu, utoqqaat pisinnaatitaaffii pillugit inatsiseqalernissaa kissaatigineqartoq oqariartuutigaa.

Tamatuma saniatigut Nunat Avannarliit Siunnersuisoqatigiiffiat NORA aamma Nunat Avannarliit Killiit Siunnersuisoqatigiiffiat suleqatigalugit Atlantikup avannaani imaani sillimaniarneq pillugu isumasioqatigiissitsivoq, tamatumani aallaaviulluni imaani sillimaniarneq pillugu suleqatigiinnissamik Issittumi Siunnersuisoqatigiit Nuummi majimi ataatsimeersuarnermi aalajangiussaatt. Savalimmiuni ataatsimeersuarnermi oqariartuutigineqartoq tassaavoq Atlantikup avannaani imaani sillimaniarneq pillugu suleqatigiinnissamik piviusunngortitsinissamut aningaasanik naammattunik qulakkeerinnittoqarnissaata sulii pisariaqartinneqarnera.

## Bifröstimi ukiumoortumik ataatsimiinneq

Nunat Avannarliit Killiit Siunnersuisoqatigiiffiata 27-issaanik ukiumoortumik ataatsimeersuarnera ulluni 22. - 25. august Bifröstimi Islandimiittumi ingerlanneqqarpoq. Inatsisartut Siulittaasuut aamma Nunat Avannarliit Killiit Siunnersuisoqatigiiffianni nunatta aallartitaanut Siulittaasuusoq Josef Motzfeldt kiisalu Nunat Avannarliit Killiit Siunnersuisoqatigiiffiannut aallartitat sinneri, Ruth Heilmann, Doris Jakobsen, Jane Petersen, Siverth K. Heilmann aamma Justus Hansen Kalaallit Nunaannit peqataapput.

Ukiumoortumik ataatsimiinneq Nunat Avannarliit Killiit Siunnersuisoqatigiiffiata Præsidentianit Olina Porvarddottirit Islandimeersumit ammarneqqarpoq ataatsimiinnerlu Bifröstip Universitetiani ingerlanneqqarpoq. NAKS-ip sulinerata pingarnerusunngortinneqarnissaanik, tassuunakkullu siunnersuisoqatigiinni nammineru aammalu nunat akimorlugit suleqatigiinnerup nukittorsarneqarnissaanik ukiuni arlalinni kissaateqartoqareersoq NAKS-ip ataatsimiittarnerata siunissami aaqqissuusaanissaanut oqallissaarut NAKS-ip Siulittaasoqarfiata ukiumoortumik ataatsimiinnermi saqqummiuppaa.

Siunnersuisoqatigiit augustimi ukiumoortumik ataatsimiittarnerannit aalajangersimasumik sammisaqarluni ataatsimeersuarnermi, junip qaammataani pigajuttumi, Siunnersuisoqatigiit naapeqqinnissaannut piffissap siviluallaap ingerlasarnera aallartitanit immikkut isiginiarneqqarpoq. Ataatsimiinnerit qaammatinik qulingiluanik akunneqarnerata aamma kinguneraa nunat avannarliit killiit suleqatigiinnerat ilaasortat amerlanersaanni ukiup ilarujussuani salliusannginnera. Soorluttaaq nunat taakku pingasut inatsisartuini piffissap ulapaarfiup nalaani Siunnersuisoqatigiit ukiumoortumik ataatsimiinnerat ingerlanneqqartartoq. Siunnersuisoqatigiinni sulinerup nunat taakku pingasut inatsisartuini suliat ingerlaasiinut tulluarsarnissaanut periarfissat Siulittaasoqarfiup maanna misissussavai. Suliaq tamanna sivilusaaq, tassami tamanna pillugu isumernissamut tunngavissamik, piviusunngortinneqarnissani sioqqullugu inatsisartuini pingasuusuni tamani oqaluuserineqaaqqartussamik, suliaqartoqassammat.

Ukiumoortumik ataatsimiinneq ammarneqqareemat norskit Stortingiannit sinniisuutit, siunnersuisoqatigiit ukiumoortumik ataatsimiinneranni peqataasut, ataqqiniarlugit qaammatip siuliani Norgemi Osloimi Uttøyami ajunaarneruaq inuit 77-it toqutaasimasut pillugu eqqaaniaalluni minutsimi ataatsimi nipaallisimasoqqarpoq. Pisimasoq nunat pingasut aallartitaannut tamanut annertuumik sunniuteqarsimavoq.

Islandip Nunat Avannarliit Killiit Siunnersuisoqatigiiffiannut siulittaasuunera ukiumoortumik ataatsimiinnermi ileqqoq malillugu naggaserneqqarpoq Savalimmiunullu, Nunat Avannarliit Killiit Siunnersuisoqatigiiffianni siulittaasuunermik august 2012-ip tungaanut ingerlatsisussamut ingerlateqqinneqqarluni.

## Nunat Avannarliit Killiit Siunnersuisoqatigiiffiat nutaamik præidentertaarpoq

Nunat Avannarliit Killiit Siunnersuisoqatigiiffiata siulittaasortaava tassaavoq savalimmiut aallartitaasa siulittaasuut Kari P. Højgaard. Taannali oktoberimi qinersisoqareernerata kingorna Savalimmiuni Nunami Namminermi Pissutsinut Naalakkersuugallartutut inissinneqarpoq, taamaattumillu Savalimmiut aallartitaasa siulittaasuannit nutaamit hr. Henrik Oldimit taarserneqarpoq. Ukiumoortumik ataatsimiinnissaq tulleeq Savalimmiuni 2012-imi ingerlanneqassaaq.

## 2011-mut kaammattuutit aalajangersakkat nutaat

Kaammattuutit nutaat arfinillit, nunat taakku pingasut naalakkersuisuini suliarineqartussat, akuersissutigineqarput. Kaammattuutit 14-it atuuttut iluanni kaammattuutit tallimat ukiumoortumik ataatsimiinnermi atorunnaarsinneqarput. Tamanna isumaqarpoq kaammattuutit piviusunngortinneqareersimasutut imaluunniit aallartinneqareersimasutut Siunnersuisoqatigiiffimmit naliliivigineqarnermikkut atorunnaarsinneqartut, taamaattumillu suliat taakku pillugu sulinini Siunnersuisoqatigiiffiup naammassisinnaangorpaa aammalu kaammattuutit qulingiluat sinneruttut pillugit sulinini ingerlateqqissinnaallugu.

## 2012-imi Ilulissani aalajangersimasumik sammisaqarluni ataatsimeersuarneq

Nunat Avannarliit Killiit Siunnersuisoqatigiiffiata aalajangersimasumik sammisaqarluni ataatsimiinnissani tullitutq Ilulissani ingerlatisavava, tassani Kalaallit Nunaat aqqissuisuussalluni. Ataatsimeersuarneq ulluni 27. -30. marts 2012-imi ingerlanneqarpoq. Ataatsimeersuarnermi una sammineqarpoq; "Nunat avannarliit killit nunarsuarmioqatigiinni inissisimanagerat – issittoq nunanilu avannarlerni killerni inuusutissarsionnikkut ineriartortitsineq immikkut sammillugit".

Nunat Avannarliit Siunnersuisoqatigiiffiata Københavnimi ukiumoortumik ataatsimiinnerani nunat avannarliit killiit pingasuusut nunanut allanut ministeriisa ataatsimeeqatigineranni aalajangersimasumik sammisaqarluni ataatsimeersuarnissaq sallitullugulu peqataaffigissagitsik nunat avannarliit pingasuutut nunanut allanut ministeriisa NAKS Siulittaasoqarfiannut uppersarpaat.

## Nunat Avannarliit Siunnersuisoqatigiiffiat

Ilaasortat angalanernut atugaat	2008	2009	2010	2011
kr.	644.647	255.634	296.616	524.663

Nunat Avannarliit Siunnersuisoqatigiiffiat Danmarkimi, Finlandimi, Islandimi, Norgemi Sverigemilu inatsisartut naalakkersuisulu suleqatigiiffigaat. Nunat namminersorfiusut Kalaallit Nunaat, Savalimmiut Ålandilu Danmarkip naalagaaffiata Finlandillu aallartitaannut ilaasarput, suleqatigiinnermili nammineq atitik aallartitallu namminneq qinikkatik sinnisoralugit peqataasarlutik. Nunat Avannarliit Siunnersuisoqatigiiffianni ilaasortanit 87-iusunit inissat marluk Kalaallit Nunaannut tunniunneqarsimapput.

## Nunat Avannarliit Siunnersuisoqatigiiffianni ataatsimiititaliat partiillu ataatsimiinneranni peqataaneq

Nunat Avannarliit Siunnersuisoqatigiiffianni 2011-mi inatsisartutigoortumik sulineq	Ataatsimiititaliat ataatsimiinneri	Aallartitat ataatsimiinneri	Ataatsimeersuarnerit il.il.
	5	2	5

- 25. - 26. januar: Esbomi Finlandimiittumi ataatsimiinnerit.
- 30. - 31. marts: Stockholmimi Sverigemiittumi ataatsimiinnerit.
- 28. juni - 1. juli: Avatangiisit Nunallu pissarititai pillugit Ataatsimiititaliap aasaanerani Ilulissani ataatsimiinnera.
- 20. - 21. september: Oslomi Norgemiittumi ataatsimiinnerit.
- 1. - 3. november: Nunat Avannarliit Siunnersuisoqatigiiffiata 63-issaanik Københavnimi ataatsimiinnera.

## Aaqqissuussinerni immikkut ittuni peqataanerit

Ulloq 9. februar Nunat Avannarliit Nuummi isumasioqatigiinnerat. Nunani Avannarlerni suleqatigiinneq, pingaartumillu Nunani Avannarlerni New Foundlandimi, Labradorimi aamma Nunavumi suleqatigiinnut ilaasut isumasioqatigiinnermi sammineqarput.

Tuluit atomip nukinganik nukissiorfiata Sellafieldip, Atlantikup avannaata imartaanut kiisalu Norgep kimmut sineriaanut sunniutai pillugit ulluni 12. - 13. aprili Norgep avannaata kitaani Lofotenimi ataatsimeersuarneq. Raadiup qinngorneranik Sellafieldimit aniatitsinerup qaffasissusaa Atlantikup avannaani nunani, Norgemi, Islandimi, Savalimmiuni aamma Kalaallit Nunaanni eqqumaffigineqarlunilu isumakuluutigineqarsimavoq.

Atlantikup avannaata imartaani sillimaniarneq pillugu Torshavnimi Savalimmiuni ulloq 9. juni ataatsimeersuarneq.

Silap pissusia, nukissaq aamma avatangiisit pillugit suliassa qarfinni ilisimatusarnermik nutaaliornermillu nunani avannarlerni suleqatigiinnerit annersaat Topforskningssin的角度 pillugu ulluni 28. -29. november Oslo mi ataatsimeersuarneq.

Nunat Avannarliit Siunnersuisoqatigiiffianni svenskit aallartitaasa kiisalu nunani avannarlerni nalakkersuisut killeqarfinni killilersutit pillugit oqallittarfiata aaqqissugaanik ulloq 30. november ataatsimeersuarneq. Nunani avannarlerni innuttaasut nunani avannarlerni killeqarfiit kiisalu immikkoortorta qarfiit namminersortut akimorlugit nuttarnermi, ilinniarnermi, niuernermini sulinerminnilu ajornartoorfigisartagaat aningaasartuutigisartagaallu ataatsimeersuarnermi sammineqarput.

Taakku saniatigut Nunat Avannarliit Siunnersuisoqatigiiffianni Kalaallit Nunaannit aallartitat akornanni ataatsimiinnerit ukiup ingerlanerani ingerlanneqartarput.

## Nunat Avannarliit Siunnersuisoqatigiiffianni suliat pillugit

Avatangiisit Pinngortitalu pissarititai pillugit ataatsimiititaliamut ilaasortaaneq ukioq naallugu attatiinnarneqarpoq. Avatangiisit Pinngortitalu pissarititai pillugit ataatsimiititaliap nunani issittuni, nunani avannarlerni taakkulu imartaanni mingutsitsinermik sammisaqarnini ingerlatiinnarpa. Nungukkiartuutaanngitsumik ingerlatsinissamik tunngavik aallaavigalugu aalisarnikkut politikki ingerlanneqartoq minnerunngitsumillu tamanna pillugu EU-mi sulineq ataatsimiititaliamut soqutigineqarput. Aammattaaq aalisarneq pillugu suliassa qarfiup iluani Norgep, EU-p, Savalimmiut aamma Islandip akornanni "ammassassualerngusaanermik" taaneqartup nungukkiartuutaanngitsumik ingerlatsinissamik tunngavik aallaavigalugu inernilerneqarnissaa ataatsimiititaliap soqutigalugu malinnaavigaa.

Københavni ukiumoortumik ataatsimiinnissaq tikillugu Nunat Avannarliit Siunnersuisoqatigiiffianni Kalaallit Nunaata aallartitaa Atugarissaarneq pillugu ataatsimiititaliami inissisimagaluarpoq, Atugarissaarnerli pillugu ataatsimiititaliamut ilaasortaaneq Københavni ukiumoortumik ataatsimiinnermit Kultureqarnermut Ilinniartitaanermullu ilaasortaaneq taarserneqarpoq. Atugarissaarneq pillugu ataatsimiititaliap 2011-imi annertuumik sammisaa tassaavoq nunani avannarlerni najugaqarfinni inuit atugarliortut eqikkarlutik najugaqarfigisaasa annertusiarernerat. Aammattaaq nunani avannarlerni atugarissaarneq pillugu naalakkersuinikkut aaqqissuussinerni unammilligassat Atugarissaarneq pillugu ataatsimiititaliap annertuumik malinnaavigisimavai. Atugarissaarneq pillugu Ataatsimiititaliami malunnaatilimik sammineqartoq alla tassaavoq Nunani Avannarlerni inuusuttut suliffissaaleqisut amerliartornerannut tunngatillugu nunat avannarliit ataatsimoorlutik iliuseqarnissaannik sulissuteqarneq.

Ukioq manna Nunat Avannarliit Siunnersuisoqatigiiffianni ataatsimiititaliani suliat saniatigut ataatsimeersuarnerit Kalaallit Nunaannut tunngassutillit arlallit peqataaffigineqarput.





# 15 Allattoqarfik

Inatsisartut Allattoqarfiat inatsisartut allattoqarfigaat Inatsisartut sulinerisa pitsaanerpaamik ingerlanneqarnissaanut peqataasussa. Tassunga ilaapput Siulittaasoqarfiup sullinneqarnera, Inatsisartut katersuunnerisa piareersarnerqarnerat aqqissuussaaniikkullu ingerlanneqarnerat, inatsisitigut misissuisarnermik, ataatsimiititalianik sullissineq ulluinnarnilu allaffissornikkut ingerlatsineq.

Tamatuma saniatigut naqitanngorlugit saqqummersitat, Inatsisartuni takuniaatitsinerit aammalu suliniutit annertunerit pilersaaruserlugillu ingerlannerat allattoqarfiup ilaatigut isumagisarai.

Inatsisitigut aalajangersakkat iluanni killissarititaasut Siulittaasoqarfiullu maleruagassiai naapertorlugit Allattoqarfiup makku ingerlaavartumik sulissutigisassara:

## Inatsisartuni sulinermut atugassarititaasunik makku aqqutigalugit pitsanngorsaaneq


- Siulittaasoqarfimmut, ataatsimiititalianut Inatsisartunullu ilaasortanut qaffasissumik pitsaassusilimmik siunnersuineq, ikorfartuineq, oqaluttaaneq nutserissussinerlu.
- Inatsisartut Naalakkersuisullu akornanni suleqatigiinnermik siuarsaaneq.
- Ataatsimiititaliat aqqissuussaaniikkullu suleriaatsimikkullu naapertuunnerpaamik ingerlatsivigineqarnissaat anguniarlugu suleqataaneq.
- Allattoqarfiup suliassaqarfiisa iluanni pitsaassutsinik inerisaajuarnissaq qulakkeerniarlugu sulianut tunngasunik ilisimasani katersineq kiisalu sulisutigut aningaasatigullu atugassarititaasunik pitsaanerpaamik atuineq.

## Inatsisartunik isiginninnermik makku aqqutigalugit qaffassaaneq

- Inatsisit pitsaassusiannik pitsanngorsaaniissamik pingaartitsiuanikkut.
- Avatangiiserisanut pilertortumik paasiuminartumillu attaveqartarnikkut.
- Inatsisartut sulinerat angusaallu pillugit paasissutissanik ingerlatitseqqiisarnerup annertusarneqarneratigut pitsanngorsarneratigullu.

## Aqqissuussaaneq

Allattoqarfimmut pisortatut aqutsineq Inatsisartut allattaanerata akisussaaffigaa. Inatsisartut Siulittaasoqarfianik sullissinermini Inatsisartut allattaanerat Siulittaasoqarfiup allattoqarfianit ikiorserneqartarpoq. Paasissutissii-sarnermut suliniutinillu ingerlatsisarnermut immikkoortorta q kiisalu ataatsimiititalianut allatseqarfik Inatsisartut allattaanerannut toqqaannartumik akisussaassuseqarput. Nutserinermut, sullissinermut aamma aningaasaqarnermut immikkoortortat allaffimmut pisortanit Inatsisartut allattaanerannut akisussaassuseqartunit siulersorneqarput.




# Sulisorisat

2011-p naanerani allattoqarfik aalajangersimasumik atorfilinnik 30-nik sulisoqarpoq. Aaqqissuussaaneq naapertorlugu taakku ukununga agguarsimapput:

Sulisorisat:	
Inatsisartut Allattaanerat:	1
Siulittaasoqarfiup Allattoqarfia:	3
Paasissutissiinermut suliniutinullu immikkoortortaq:	2
Nutserisoqarfik:	7
Ataatsimiittaliat allattoqarfia:	10
Aningaasaqarnermut immikkoortortaq:	3
Sullissinermut immikkoortortaq:	4
<b>Katillugit:</b>	<b>30</b>

Taakku saniatigut akunnermusialinnik sulisoqarpoq.

Pisortani suliffeqarfiit pissanganarnerpaat ineriartorfigineqarsinnaanerpaallu ilaattut inissisimanissaminik anguniagaqarnermigut Allattoqarfiup sulisut suliffeqarfimmi tassani sivirusumik suliffeqartarnerat iluatsissimavaa.





## Nutarterineq

1. marts upernaakkut ataatsimiinnerup aallartinginnerani Inatsisartut ataatsimiittarfiat nutaanik marlunnik matulernerqarpoq. Qisummit matutoqqat igalaaginnarnik Inatsisartut ilisarnaataannik naqitsivigineqarsimasunik taarserneqarput. Taamaaliornikkut ataatsimiittarfik iluaniit initunerulersutut ammanerulersutullu misiginarpoq..



Aningasat.



# 16 Aningaasaqarneq

## Inatsisartunut ilaasortat ataasiakkaat paasisassarsiorlutik angalaneri

Inatsisartunut ilaasortat ataasiakkaat paasisassarsiorlutik angalanerinut aningaasaliissutit aqunneqarneri partiinut nuunneqarsimavoq, taamaattumillu ukiumoortumik nalunaarummut ilanngunneqassarlutik.

## Inatsisartuni atuineq

Missingersuutini pineqartut	Nas- suaat	2008-mi katillugit (kr.)	2009-mi katillugit (kr.)	2010-mi katillugit (kr.)	2011-mi katillugit (kr.)
<b>Akissarsiat, aningaasarsiat il.il. katillugit</b>		<b>22.451.890</b>	<b>25.865.037</b>	<b>20.795.265</b>	<b>19.892.810</b>
- taakkunanga:					
Inatsisartunut ilaasortat aningaasarsiaat	1	17.706.556	20.886.881	19.262.334	18.730.318
Sinniisut il.il. aningaasarsiaat	2	2.850.900	3.232.192	106.688	172.701
Allat	3	1.013.609	1.012.153	902.455	989.791
Nal. akunnermusiallit akissarsiaat	4	880.825	733.811	523.788	-
<b>Illassinnissutit tunissutillu, katillugit</b>		<b>334.291</b>	<b>441.558</b>	<b>240.254</b>	<b>410.204</b>
- taakkunanga:					
Inatsisartut Siulittaasuat	5	60.098	27.540	15.780	218.146
Nersornaasinerit	6	72.789	32.124	24.769	15.231
Illassinnissutit tunissutillu allat	7	201.404	381.894	199.705	176.827
<b>Sullissinerit katillugit</b>		<b>11.949.643</b>	<b>9.708.648</b>	<b>8.519.786</b>	<b>7.305.415</b>
- taakkunanga:					
Inatsisartunut ilaasortat angalaneri	8	4.260.168	2.846.061	3.375.210	2.467.488
Pikkorissarnernut aningaasartuutit	9	132.445	175.766	36.350	117.400
Siunnersortinit avataaneersunit sullinneqarneq	10	3.599.107	3.082.441	1.149.452	1.040.567
Angalanernut aningaasartuutit assigiingitsut	11	3.877.300	3.464.504	3.945.503	3.642.253
Allat	12	80.623	139.876	13.271	37.707
<b>Pisinerit allaffissornermullu aningaasartuutit katillugit</b>		<b>1.537.644</b>	<b>1.172.721</b>	<b>830.583</b>	<b>1.025.808</b>
- taakkunanga:					
Pisinerit allat	13	1.073.833	678.211	370.994	490.895
Allaffissornermut aningaasartuutit allat	14	174.689	168.937	401.977	370.336
Attaveqaateqarnermut aningaasartuutit	15	106.837	147.543	22.288	80.202
Sullissinissamik isumaqatigiissutit	16	132.780	125.307	-	5.995
Iluarsaaneq aserfallatsaaliinerlu	17	49.505	52.723	35.324	78.380
<b>Attartorneq illullu iluani aserfallatsaaliineq katillugit</b>		<b>595.360</b>	<b>599.440</b>	<b>713.470</b>	<b>558.425</b>
- taakkunanga:					
Sulinermut atatillugu inigisat	18	372.143	531.865	475.598	457.840
Iluarsaaneq aserfallatsaaliinerlu	19	92.333	32.540	194.771	-1.086
Allat	20	130.884	35.035	43.101	101.671
<b>Pissarsiat katillugit</b>		<b>818.034</b>	<b>2.448.558</b>	<b>2.837.152</b>	<b>1.679.775</b>
- taakkunanga:					
IT-mut aningaasartuutit	21	165.016	307.963	1.410.287	510.984
Pequtit	22	653.018	2.140.595	1.426.865	1.168.791
<b>Kontot allat</b>		<b>-265.482</b>	<b>-333.148</b>	<b>-291.853</b>	<b>-344.739</b>
- taakkunanga:					
Ingerlatsinermit isertitat	23	-265.482	-333.148	-291.853	-344.739
<b>Aningaasanut inatsimmi konto pingaarneq 01.10.10. naaportorlugu Inatsisartuni atuineq katillugu</b>		<b>37.087.089</b>	<b>39.461.256</b>	<b>33.404.403</b>	<b>30.527.698</b>

### Nassuiaatit:

1. Inatsit atuuttoq malillugu Inatsisartunut ilaasortat aningaasarsiaat (siumoortut). 2009-mi qinersinerup kingorna Inatsisartunut ilaasortaasimasut ilaasortaajunnaarnersiaannut immikkut aningaasartuuteqartoqarpoq.
2. Inatsisit atuuttoq malillugu sinniisut il.il. aningaasarsiaat. 2010 aallarnerfigalugu sinniisut aningaasarsiaat nassuiaat 1 naapertorlugu Inatsisartunut ilaasortanut allanut aningaasarsianut kontomit akilerneqartalerput.
3. Tapeeqataassutit assigiinngitsut, sulingiffeqarnermi aningaasarsiat, immikkut aningaasarsiat soraarnerussutisiassanullu tapeeqataassutit.
4. Isumaqatigiissutit atuuttut malillugit nal. akunnermusiallit akissarsiaat kiisalu freelancerit akissarsiaat.
5. Siulittaasup ilassinnissutai tunissutaalu.
6. Nersornaasiinermut atatillugu ilassinninnernut aningaasarsartuutit.
7. Siulittaasoqarfiup inatsisartunulluunniit ilaasortat ilassinnissutaat tunissutaallu.
8. Inatsisartunut ilaasortat angallaneqarnerannut aningaasartuutit, angallat sunaagaluarpalluunniit.
9. Inatsisartunut ilaasortat pikkorissarneri ilinniaqqinnerilu allat.
10. Sullississutit siunnersortinillu sullinneqarnerit allat. 2009 tikillugu Inatsisartut ataatsimiinnerannit naqqeqaakkat suliarineqarnerannut immikkut aningaasartuuteqartoqartarpoq. 2010-mi u ukiakkut ataatsimiinnermit aningaasartuutit taakku atorunnaarput, tassa naqqeqaakkat maanna DVD atorlugu nipitalerlugit saqqummersinneqartalermeta.
11. Inatsisartunut ilaasortat ullormusiqartinneqarnerannut, najugaqartinneqarnerannut, nerisaqartinneqarnerannut, sullississutinullu allanut aningaasartuutit.
12. Pequttat nuunneqarnerat poortuineq puiaanerlu ilanngullugit, pequttat angallaneqarnerat, pequttat angallaneqarnerannut toqqortarineqarnerannullu sillimmasiinerit.
13. Inatsisartunut ilaasortanut imeruersaatit, nerisaqartitsinerit ataatsimiinnermullu aningaasartuutit.
14. Allaffimmi atortut, naqitikkat, papiqqat, kr. 3.000-it ataallugit pisiat kiisalu ussassaarinerit.
15. Telefonimut aningaasartuutit telefaximullu atukkat.
16. Assersuutigalugu kopimaskinanut atatillugu sullissinissamut isumaqatigiissutit. Naalackersuinnikkut suliniaqatigiiffinnut tapiissutit pillugit inatsisip akuersissutigineqarneratigit aningaasartuutit taakku 1.1.2010-miit atorunnaarput.
17. Pequtinik iluarsaaneq.
18. Inatsisartunut ilaasortat sulinermut atatillugu najugaat.
19. Iluarsaanermit aningaasartuutit kiisalu illuutit atortuutillu iluannik silataannillu aserfallatsaaliineq.
20. Ingerlatsinermit aammal niilnik, angallatinik, snescooterinut il.il. attartornermut aningaasartuutit.
21. Printerit, PC-t, RAM, kabilit, IT-programmit kiisalu IT-mik sullississutinut isumaqatigiissutit. IT-mut il.il. atortulersuutininut nutarterinermit ukiuni kingullerni immikkut aningaasartuuteqartoqarsimavoq.
22. Pequttat atortullu kr. 3.000-it sinnerlugit akillit. Ilaatigut igaffiit, perusuersartarfiit, allaffiit, torsuusat ataatsimiittarfiillu kiisalu IT-mut atortulersuutit nutarterinermit ukiuni kingullerni immikkut aningaasartuuteqartoqarsimavoq.
23. Isertitat assigiinngitsut, assersuutigalugu attartortitsinermit isertitat.

## Inatsisartut Allattoqarfianni atuineq

Missingersuutini pineqartut	Nas- suaat	2008-mi katillugit (kr.)	2009-mi katillugit (kr.)	2010-mi katillugit (kr.)	2011-mi katillugit (kr.)
<b>Akissarsiat, aningaasarsiat il.il. katillugit</b>		<b>18.562.781</b>	<b>18.873.224</b>	<b>19.854.918</b>	<b>19.412.375</b>
<b>- taakkunannga:</b>					
Atorfillit akissarsiaat	1	3.083.986	2.621.170	2.612.855	1.964.519
Qaammammusiallit akissarsiaat	2	12.296.752	12.853.755	13.910.583	14.198.813
Allat	3	2.317.852	2.670.634	2.390.616	2.109.540
Nal. akunnermusiallit akissarsiaat	4	864.191	727.665	940.864	1.139.503
<b>Sullissinerit katillugit</b>		<b>2.724.271</b>	<b>2.858.655</b>	<b>2.939.361</b>	<b>3.695.720</b>
<b>- taakkunannga:</b>					
Sulisorisat siunnersortillu angalaneri	5	807.624	739.960	1.187.786	1.065.830
Illassinnerit tunissutillu	6	15.421	-	5.813	24.259
Pikkorissarnernut aningaasartuutit	7	132.765	168.135	106.910	170.351
Siunnersortinit avataaneersunit sullinneqarneq	8	777.790	792.775	624.492	507.243
Angalanernut aningaasartuutit assigiinngitsut	9	720.059	361.754	740.018	1.646.314
Allat	10	270.612	796.031	274.342	281.723
<b>Pisinerit allaffissornermullu aningaasartuutit katillugit</b>		<b>1.302.255</b>	<b>1.138.571</b>	<b>1.033.090</b>	<b>767.255</b>
<b>- taakkunannga:</b>					
Pisinerit allat	11	326.563	295.959	421.086	383.800
Allaffissornermut aningaasartuutit allat	12	342.508	270.917	273.668	234.938
Attaveqaateqarnermut aningaasartuutit	13	287.578	273.596	200.130	76.260
Sullissinissamik isumaqatigiissutit	14	279.535	272.077	109.287	43.490
Iluarsaaneq aserfallatsaaliinerlu	15	66.071	26.022	28.919	28.767
<b>Attartorneq illullu iluani aserfallatsaaliineq katillugit</b>		<b>363.255</b>	<b>105.198</b>	<b>229.356</b>	<b>140.675</b>
<b>- taakkunannga:</b>					
Sulinermut atatillugu inigisat	16	50.434	91.136	215.356	103.200
Iluarsaaneq aserfallatsaaliinerlu	17	148.730	-	-	25.475
Allat	18	164.091	14.062	14.000	12.000
<b>Pissarsiat katillugit</b>		<b>548.810</b>	<b>954.070</b>	<b>342.429</b>	<b>919.569</b>
<b>- taakkunannga:</b>					
IT-mut aningaasartuutit	19	290.550	731.591	126.217	520.808
Pequtit	20	258.260	222.479	216.212	398.761
<b>Kontot allat</b>		<b>-234.228</b>	<b>-209.764</b>	<b>-104.269</b>	<b>-186.154</b>
<b>- taakkunannga:</b>					
Ingerlatsinermit isertitat	21	-234.228	-209.764	-104.269	-186.154
<b>Aningaasanut inatsimmi konto pingaarneq 01.01.01. naapertorlugu Inatsisartut Allattoqarfianni atuineq katillugu</b>		<b>23.267.144</b>	<b>23.719.954</b>	<b>24.294.885</b>	<b>24.749.440</b>

### Nassuiaatit:

1. Isumaqatigiissutit atuuttut naapertorlugit atorfillit akissarsiaat (siumoortut).
2. Isumaqatigiissutit atuuttut naapertorlugit qaammammusiallit akissarsiaat (kingumoortut) kiisalu ilinniartut akissarsiaat.
3. Tapeeqataassutit assigiinngitsut, sulingiffeqarnermi aningaasarsiat, sulineruneq, immikkut aningaasarsiat, soraarnerussutisiassanut tapeeqataassutit, nalliuttorsiornermi tunissutit.
4. Isumaqatigiissutit atuuttut malillugit nal. akunnermusiallit akissarsiaat kiisalu freelancerit akissarsiaat.
5. Nammineq sulisorisat siunnersortillu angallanneqarnerannut aningaasartuutit, angallat sunaagaluarpalluunniit.
6. Ilassininnernut tunissutinullu aningaasartuutit.
7. Sulisut pikkorissarneri ilinniaqqinnerilu allat.
8. Sullississutit siunnersortinillu sullinneqarnerit allat.
9. Sulisut ullormusiaqartinneqarnerannut, najugaqartinneqarnerannut, nerisaqartinneqarnerannut, sullississutinullu allanut aningaasartuutit.
10. Pequttat nuunneqarnerat poortuineq puiaanerlu ilanngullugit, pequtat angallanneqarnerat, pequttat angallanneqarnerannut toqqortarineqarnerannullu sillimmasiinerit.
11. Sulisunut imeruersaatit, nerisaqartitsinerit, ataatsimiinnermut aningaasartuutit, neriniartarfinni nerinerit kiisalu sulisut aallaarsimaneranni nerisaqartitsineq.
12. Allaffimmi atortut, naqitikkat, papiaqqat, kr. 3.000-it ataallugit pisiat kiisalu ussassaarinerit.
13. Telefonimut aningaasartuutit telefaximullu atukkat.
14. Assersuutigalugu kopimaskinanut atatillugu sullissinissamut isumaqatigiissutit.
15. Pequtinik iluarsaaneq.
16. Inatsisartut Allattoqarfianni sulisut sulinermut atatillugu najugaat.
17. Iluarsaanermut aningaasartuutit kiisalu illup iluannik silataannillu aserfallatsaaliineq.
18. Angallammik attartornermut aningaasartuutit.
19. Printerit, PC't, RAM, kabilit, IT-programmit kiisalu IT-mik sullississutinut isumaqatigiissutit.
20. Pequttat atortullu kr. 3.000-it sinnerlugit akillit.
21. Isertitat assigiinngitsut, assersuutigalugu attartortitsineri isertitat.

Sukumiinerusumik paasisaqarnissaq kissaatigineqarpat Nunatta Karsiata naatsorsuutai innersuussutigineqarput.



